



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vesviano Incendio, Et De Terraemotv Calabriae,
Nvntivs**

Recupito, Giulio Cesare

Romae, 1644

Ad Eminentissimvm, Ac Reverendissimvm S. R. E. Cardinalem Barberinvm.

urn:nbn:de:hbz:466:1-12857

Dicitur AD EMINENTISSIMVM,
AC REVERENDISSIMVM
S. R. E. Cardinalem
BARBERINVM.
IVLIT CÆSARIS RECVPITE
è Societate IESV.

*De novo in uniuersa Calabria terramotu
congeminatus nuncius.*

DESTINAT sibi noua calamites crue-
tatum semel Vesuuij cœdibus calamum,
congeminato nuncio; dum clades con-
geminatur. Deuouet etiam sibi, Fran-
cisce Cardinalis Amplissime, nomen il-
lud tuum, quod claritatem auxit incen-
dio, ac fama flammam nobilitauit.
Eruptio illa Vesuviana quasdam clades
peperit, quasdam prænunciavit. Infortunium illud appellad
ueram; sed infortuniorum vaticinatio fuit. Incendium præ-
ferebat: sed portentosus erat cometa, ex editissima aëtis

F 4 regio-

regione, oppidorum, urbium, prouinciarum stragem, paucis post annis, veluti cauda tracturus. Fragor ille inter prodigia recensendus, qui dissitas quoque regiones exterruit, cœli sonuit veluti classicum, quo roti Neapolitano regno bellum indicebat. Terræmotus ij., quibus quatuor, vel quinque oppida corruerunt, paruæ velitationes erant, maiorum prælusiones certaminum, & prima quædam tentamenta pugnandi. Pronunciaueram absolutam planè tragœdiam, ac reductum scenæ siparium: sed luctus initauratus ex integro, quæque malorum extrema videbantur cadentium, exordia fuere nascentium. Denique multò acriùs, ac vehementius Vesuiani incendi; cineres recaluere. Rem ita contigisse, ut subijcam, ex auctoribus fide dignis. compertrum. Dies intercurrebat Martij mensis vigesimus septimus, qui in Sabbatum inciderat, nobilem à palmis appellationem fortitum: ne palmae sine cœdibus forent, mox fine standum. Hora data iam erat prima supra vigesimam. Sole ad occasum vergente, quasi luctuosum spectaculum auersaturo: cum terra repente mota Calabriam tum citeriorem, tum vltiorem, celeberrimas Neapolitani Regni Provincias, quæ concussit, quæ diruit: Messana Urbe finitima, è damno non exempta, Neapo non è metu. Nulla mali tam ingentis præfensio, ante animaduerso exitio, quam periculo. Terræmotus nomen unicum, sed pernicie multiplex, non uno tenore stragem edidit: sed alicubi sauitis, clementiis alibi: diuina, credo, de xtra moderatrice, & veluti circumducente cladem. Hanc in primis passa Consentia, Calabriæ citerioris caput, altera regij magistratus sedes, urbs nobilitate ciuium, & antiquitate per celebris; ostentans insignia septem collium; quod in totidem videbatur locata cum oppidorum corona, quodam veluti lusu naturæ Romam paruulam effingere committentis, duplice flumine Crate, & Busento vnius Tyberis vices impletibus. Magnificentius hic grassata calamitas multæ domus dirutæ, quas latæ omnes. Duæ castri turres planè solo æquatæ. Quatuor assurgebant muralibus in fastigio pinnis distinctæ, siue ad spectaculum, siue ad muniment. Nunc vna vix superest. Nam duabus terræmotis deiectis, tertia superiore anno fulmine ista deciderat. Straueret.

Leander. Albert. descript. Ital. in 7. regione. Henri. ei Barci. in descript. Regni.

uere, sine vlo tormento bellico, turre tres fragores duo, cœli alter, terræ alter, in vnius arcis ruinam cœlo, terraq; quasi inito fœdere, conspirantibus. Neque multò minor in palatio regio iactura. Quod olim Proregum Hispanorum regia, cum Galli Neapolim obtinerent, nunc nihil admirandum retinet, præter lapidum fruem, quassosque parietes; vt damnata videatur ad supplicium domus, in qua ceteri damnabantur. Neque aut templo fuere immunita, aut tutiora cœnobia. Turris, Christiano ritu, regia munificentia, ad ingentis tympani loculamentum extorta, Archiepiscopalis templi ornamentum, supra ædem sacram decubuit, alamq; disiecit. Duo præterea Patrum Franciscanorum cœnobia corruerunt, vt ne ipsis quidem reorum asylis villa fuerit in hac clade securitas. Collegium Societatis Iesu occupauit ruinam, quam non multò post vetustas tulisset: tribus tam en cubiculis, que firmiora erant adhuc statibus, sed rimosis. Quod vitium in alijs etiam appareat edibus: que terræmotui superstites solo, parietibus, lacunaribus diffissis, per immanes hiatus perspicue casum minantur. Ita in ædificia vrbis sequitum, sed indultum ciuibus. Habuit hec suum ruina spatiū; & terræmotus initio lentior monuit incolas, vt in aperras planities, atque in loca tutiora profugerent. Virginis circiter oppressi perierte (numerus in tanta eius vrbis celebritate per exiguis) quibus fortasse aut segnis ætas, aut ægra valetudo pedum celeritate inhibuit, malo præcurrente remedia. Vni tamen fuga mortem, aut maturauit, aut intulit. Mercator, cum ad officinæ fores nescio quid negotij perageret, ac terræmotu obstrepente, in ampliorem se plateam quanta maxima poterat celeritate proriperet, indeciduum parietem incidit: ac magnifarum ædium ruinis elisus splendidè occubuit, in columni tectulo, unde prodierat. Futurus documento mortalibus, frustra nos mortem effugere: que, dum relinqui putatur à tergo, obuiam se commonebat è fronte. Hunc lethi fuga ad lethum impulit: alteri pietas memorandum posteris exitum dedit. Barbara Telezia, clari generis scemina, primo terræ strepitu territa, conuulsæ domus egressa limen se in tutum eduxerat. Sed mox, vt animum recepit ex metu, mente m. subiit filii, intermortis fau-

ces

ces desertus, cui per ætatulam nec consilium, nec vires superpetebant ad fugam. Hac memoria sui immemor, per saxa, per pericula, per ruinas, eō interrita rediit, unde paens profugerat: fortius quidquid accidisset latra, si cum charissimo pignore communem vitæ mortisque aleam subiisset. Verum, dum mater puerο inconsultius consulit, quād res poscebat, improviso tecti delapsu in mutuo complexu uterque periret: suffocata etiam prole, quād mulier nondum enixa conceperat. Quatuor sanè in unico euentu portenta. Barbaram peremit pietas. Unius quæsita incolumitas tria capita extinxit. Uni mors obtigit ante vitam. Huic veteris evasit in tumulum. In scholis etiam, quas vocant pias, tres aut quatuor pueri occubuerunt, qui inter ipsa ætatis primordia, cùm prima legendi rudimenta discerent, extremæ pati didicerunt: inter elementa Grammaticæ, duriore hausti elemento. Patres tamen, qui tam pio vacabant operi, omnes integri, illæisque. Consimilis Dei prouidentia in patribus nostræ Societatis eluxit. Nam i omnes, quorum cubicula conciderunt, foras prodierant: eorum, qui intus aderant, cubicula substitere. Inter hos ille, qui hoc anno M. Archiepiscopali templo summa cum laude concionabatur, cum ad insequentis diei concionem totus incumberet, terræmotu ab ea cura diuulsus, aliò caput cogitationem, ac pedem auertere. Mirum dictu quacunque ille gradum fecisset, illito paries, recta, scalæ relicta à tergo ruebant; quasi tantummodo expectaretur ad horum ruinam aliena incolumitas. Dices continuisse se illa tantisper, ac veluti timuisse ne lacererent. Magister ex ijs unus, qui Grammaticam in eo collegio docebant, terræmotu exaudito, discipulos præiuit ad fugam. Interuallum datum, vt omnes pedem efferrent. Cum ad ianuam accurrerent, ædificij pars ante fugientium oculos corruens fores obstruxit. Territi regredi, ac referre cursum unde diffugerant. Sed inter eundem, ex altera parte, primò superstans cubiculum, mox etiam schola vacua cecidit. Occluso vnde exitu, nullus iam supererat transfigio locus; perdurante adhuc terræmotu, atque identidem ingrauescente: ita vt consistere non possent, prægredi non auderent. His vndique circumscripti periculis, dum

ex

ex omni parte fugam adornant, ex omni etiam ruinaram
 obiecta intercluduntur, anima querit magister subiacente
 schalæ adhuc integræ angustissimum fornicem; qui, submis-
 sis ingredientium ceruicibus, quatuor aut quinque vix ca-
 peret. Eo ipse se celerrimè contulit: quodque incredibile
 videbatur, viginti discipulos (nam forte cæteros ad suum
 quemque pagum dimiserat) in eundem angulum fibi hæren-
 tes intrusit. Tectis hinc, inde, alijs ruentibus, alijs nutan-
 tibus, & iam iam in cumbentibus ad ruinam, mentis inopes
 pueri flere, conclamare, magistri opem deposcere, conge-
 minatis his vocibus, perimus, pater, perimus. Iam exci-
 tatus collisione, casuque lapidum puluis, ysum oenlorum
 abstulerat: nec quā euadi posset villa ex parte apparebat: cum
 forte audita vox magistri alterius eum, qui delitescebat, qua-
 si extinctum flebiliter appellantis. Ille in circumfusa caligi-
 ne eò gradum direxit, vnde sonus accipiebatur: ac per ag-
 gestos obices, & saxa vndique collabentia, non tam ambu-
 lando, quam reptando, tandem ad plateam erupit, pulueru-
 lentus, ac semiuius. Mox sequaces pueros voce, manu,
 ope eodem perduxit integros, sospitesque: ne uno quidem
 vel mutilato, vel laeso. Hæc ita narravi, ut ab eodem ac-
 ceperī, minutius quidem, quia vera, & comperta: Dei numi-
 ne non parum prodente se vel in paruis. Non minor in al-
 terius in columitate admiratio. Nam, dum Philosophiæ ma-
 gistro, & schola corruit, & cubiculum, ipse utrique calamiti-
 tati subducitur. Enim uero mane discipuli vacationem à
 vespertina lectione poposcerant, magister annuerat: idque
 præter morem, non sine diuino iutu. Quippe gymnasium
 eo temporis articulo cecidit, quo nemo elabi potuisset; scha-
 lis etiam, qua effugiendum fuerat, repente distractis. Ita il-
 le, dum suo se, ac discipulorum otio induluisse putauerat, in-
 dulserat vitæ; vacaturus à labore, vt vacaret à funere. Idem
 inopinatè accitus ad templum, paulo post delapo cubiculo,
 vnde discesserat, lethum felicius effugit ignarus, quam si
 prænossset. Cæterum cordatè hic, cùm ad ruinosi templi fo-
 res terræ motus initia præsensisset, nihil moratus ad plateam
 euasit: ubi multos reperit lymphatis similes, & iam con-
 sternatos in fugam: qui, sacerdote conspecto, noxarum so-
 lutio-

Iunctionem lamentabili voce, nec sine lachrymis, petiere.
 Ille alienæ magis memor salutis, quam suæ, singulis culpa
 raptim audita (quod in rebus extremis licet,) singulos etiam
 oxyssimè ab omnibus expiauit. Ita breuissimo temporis
 spatio centum circiter confessiones excepit. Quod alij Pa-
 tres inter fugam pariter præstitere: quasi Patthorum morè fu-
 gliendo bellarent. Profectò vnius terræ tremor cunctis tre-
 morem inuicerat: atque inter allisiones lapidum, corda
 saxeæ scindebantur. Augebat terror em horribilis ex imo
 boatus, sub inde quidem atrocior, sed uno ductus spiritu per
 quadrante[m] (amdiu enim prima hæc terra iactatio tenuit:)
 tempus tantæ stragi per breve, vni terræ motu longissimum.
 Ingerebantur oculis puluere æruinis elatae nubes, quæ se-
 reno cælo, diem obtexerant: ita ut non iuuare, non vide-
 re quæcumque liceret. quod in immani alio terræ motu, sub
 Traiani imperio, contigisse testatur Dio. Exaudiebantur
 dissimilæ voces hinc expectare, hinc ire iubentium, & fugien-
 tes ipsa quoque festinatio morabatur. Feriebat etiam aures
 ædium unde quaque cadentium fragor, qui terræ motui ad-
 strepebat: & puerorum vagitus, ciulatus mulierum, viro-
 rum clamoris timoris index, ac doloris omnia latè loca com-
 pleuerat. Sed breui fuga ciuium solitudinem urbi fecit.
 Itum est ad campos, extra pomœrium, prope urbem: ibique
 per noctatum sub dio: ut cœlum spectare cogerentur, quos
 tellus expulerat. Planitiem, ad quam quasi dato signo aduo-
 lauere, Paradisum vocitant: magnifica sanè appellatione, &
 ea ipsa ciues alliente; ut eō se reciperen[t] a gemitu[n]a ter-
 roribus, quos in urbe reliquerant. Eiusm[uero] Paradisi tunc
 simulachrum quoddam exhibuit, cum nihil ibi nisi preces,
 imploratio numinis, scelerum detestatio, suspiria, lachry-
 me, Christianæ deliciae. Nam cum eō ciues, ut dictum est,
 ac Societatis Patres vndique confluxissent, à vigesima pri-
 ma hora ad noctem usque dimidiā noxis confessione eluen-
 dis vacatum. Profectò nox illa diuinæ plus lucis attulit, quā
 multi Sôles. Campus in templum mutatus, quando tem-
 plia iam in campos abiabant. Illud etiam scitu dignum, quod
 cum summi iuxta, atque imi, pueri, senes, mulieres, viri ter-
 ræ damna metuerent, coeli iniurijs paterent, lignea veluti-

Dio in Tra-
iano.

tentoriola (Barracchas appellant) mira celeritate straxere; delecto a viris primoribus loco nostris Patribus propinquiore, quo promptius esset ad confessionem perfugium. Crederes omnes ad militiam adscitos, castra ibi metatos, bellum inferis indixisse. Neque, si quis obfirmatior fuisset in scelerre, excitamenta ea nocte desuere ad pietatem. Viginti quatuor terræmotus identidem numerati, quasi ferali sonitu diē iræ furiales horæ distinguenter. Ita nox inter terræ fremitus, pauoremque mortalium transacta lamentis, clamoribus, precibus. Ut illuxit, stragem dies ostendit; quam nox, umbræq. cælauerant. Commouit omnium animos miserabilis patriæ vrbis aspectus, in qua viduata iam ciuibus nihil aspercerent, præter fragmīna lapidum & dirutas, aut semirutas ædium potius umbras, quam ædes. Iacebant alta palatia: & tot seculorum labores unus dies pœne momento consumperat. Ne hora quidem intersuit inter urbem celeberrimā, & nullam. Ita non hominum solum, sed urbiam quoque funera destinantur. Nunc quando, quæ supersunt domus ruinarum nunciæ, rimarum plenæ, vacuæ adhuc sunt, & inhospitales, urbem ciues ad opportuniorem situm traducere, ac denuo extruere meditabantur, reuicturam fortasse viuaciū ex interitu. Iam dominicus ille dies affulserat, qui Christi triumpho, & sacram distributione palmarum Christianis solet esse lètissimus. Sed quis festiū palmas potuisse accipere, victoriæ insignia, inter tot magnas iacturas, & maiora pericula. Tamen depositente populo, annuente Archiepiscopo, ara nostrum prope tentorium confestim erecta: ibique non eo solum, sed cæteris quoque hebdomadæ sanctioris diebus sacra rite peracta: pompa quidem, ut ferebat necessitas, incultiore; sed inter Christi Domini inferias, ad lachrymas, luctumque cultissima. Non unquam sacri maiore pietatis sensu traducti dies. Supplicationes & frequentius obitæ, & ardentius. Emicuit in hoc Patrum Cappucinorum ardor, agmen ducentium, & se loris acerrimè verberantium, cruentato tergo, quasi firmum cum Deo fœdus eo sanguine sanciretur. Sequebantur puellæ deiectis oculis, laceris genis, effuso capillamento, veluti crinium soluta legę, qua nectebantur, ut necterent. Excipiebat has turba mulie-

mulierum : quarum aliæ pugnis ora tundebant, lamentabili edito sonitu, quo præficæ mortuos deflere solent: aliæ etiam, robore plusquam fœmineo , spinis , clavis , cultris se asper- rimè lacinabant. Nec viri deerant, qui aculeatis se flagris discrucianter, partim saccis induti , partim tesperti cinere ; supplicia de se ipsi sumpturi , quæ Numinis ira deposceret. Antiquam eò ab Assyrijs traductam Niniuen credidisses, ad saluberrimas lachrymas non Ionæ, sed terræ clamoribus ex- citatam . Hæc non modò inter luctuosæ hebdomadæ tene- bras , sed in luce etiam Paschatis spectacula exhibita: ut vel ipsum lætitiae diem tanta calamitas funestaret . Accesserat ad doloris cumulum fames , ditissima in opum carnificina . Nam ex vicinis oppidis plurimi , qui bonorum omnium ja- turam fecerant , confugere coacti ad urbem , seu verius ad campos , ad quos a sportata vrbis videbatur. His , religiosorum Patrum industria, ditiorum liberalitate , commeatus ad victimum suppeditati : ne conficeret in columitas , quibus rui- nae pepercérant . Hæc ferme mihi de vrbē Consentia lucu- lentissimi testes , qui intersuere narrarunt . Sed nescio quo pacto terræmotus in vrbē quodammodo se gessit urbaniūs , larium magis exitio , quam hominum: in oppida vires totas , ac furorem effudit . Nam Consentia terræmotus principio initior per interualla deseuijt, vniuersam stragem triplici suc- cessione partitus: in locis vero finitimis castella tunc desie- re , cum cœpit , An quia in his minus firma ædificia primus terræ assultus deiecit ? An quia , Consentia ad montis radices locata , oppida editiorem partem occupant collum , prona magis ad præcipitum , & casum . Quidquid id fuerit , Altilia , Belsitum , Aprilianum , Figlinum , Mottæ duæ , Do- minici duo , S. Pearus , S. Stephanus , S. Hippolitus , S. Bene- dictus , Cellaria , Pedacium , Petra facta , Spezzanum duplex , Mangonum , Paternum , Zompanum , Carpenzanum , Ro- blanum citius periere , quam narro . Spatium , quod satis fuit riuæ , pœnè commemorationi non sufficit . Cæteri vr- bis pagi , qui octoginta quinque in iisdem collibus numera- bantur , magna ex parte diruti : tantummodo non deleti . Ingens in his mortalium strages , malo velociore quam fuga . In oppido Roblano , quod olim Caroli V. hospitio , nunc : multi-

multitudine incolarum pœnè urbem emulabatur, cui suberat, viginti supra octingentos extinti, sauciij octoginta. Inter hos Episcopi Umbriaticensis ex fratre nepos, parentibus fratribus, consanguineis plurimis, maiore honorum parte desperita, superest tantum ad lachrymas. Multi in ædibus sacris enecti reperere ibidem lethum, ac tumulum: quasi pompam inferiarum ferente, non expectante fato. Eadem pœne vastitas ad alias eiusdem prouinciarum urbes, & oppida latius peruagata. Terine altera pars deiecta, altera intacta: aduersa, & prospera velut ex æquo partiente fortuna. Iniquiore illa præbuisset se ciuiibus, si cum terræmotum effugient, in incendium incurrisserent. Nam domicilia in capo è tabulatis conflata ignis fortuitò indepritus magna ex parte combussit: ne lignea vrbis felicior foret, quam saxe. Puluerietiam tormentario applicitus, e sclopis contra latronum impetum instructis, ænam glandium tempestatem excusit: memorabili edita pugna, nullo milite, nullo hoste. Terrenses opportuna sibi fuga consuluerunt, modo terra profugi, modo flammæ. Murgantia pleniùs cladem accepit planè constrata solo, maxima cum internecione ciuium. Illæso quidem Episcopo, sed ad tantam egestatem redacto, ut tres tantum numuli superessent. quos ad Archiepiscopum consentinum misit, testes inopiae, & solitudinis: cum, & pecunia defret, & ciues. Besidijs clades levior intactis incolis: domus tamen quatefactæ habitatores respuunt. Mihius actum cum Patyco, vbi exceptis pauculis, stetere tecta. Marchionis palatio minæ intentatae potius, quam ruinæ. Durissime omnium cum Sciliano, vbi censa incolarum capita supra quinque millia cum laribus partim oppressa, partim absorpta, in immanem terra subito dehincente voragine. Euasit cum paucissimis regius gubernator. Qui, cum forte spatiatum esset ad campos, iamque aures, animumque percelleret terræmotus, retorsit illico ad oppidum oculos: neque oppidum vidit, neque templum, neque teatrum ex ijs, quæ mille, & eo amplius, densatis circumfusa fastigijs paulò ante suspexerat. Vitam gratulatus ipse sibi, subditis, ac ditione deleta, ut vacuum gubernandi se sensit munere, precepit fugam corripuit, per agros, per saltus, per vias, per auia:

Terina ex Ortelio, nunc Mantua.

Murgantia, nunc Martorano ex Barrio.

Besidia nunc Bisignano ex Ortelio.

Paycos, nunc Paula ex Barrio.

Blanda nunc
Belvedere ex
Ortelio Thu-
rium, nunc
Terranova
ex dem.
Syphaeum
nunc Castro-
villari ex
Mazzella.
Cleta, nunc
Petra mala
ex Barrio.
De Regino
Cleta Lyco-
phron apud
Ortelium.

ania: tota ea nocte errabundus; donec a locorum peritis
Consentiam deductus est, vrbis in fortunio pagi exitium so-
laturus. Ne plura in re tam lugubri, varia alijs eiusdem pro-
vinciae vrbibus, oppidis, pagis fortuna fuit: Ruscianum,
Blanda, Thurium, Rende per stricta leuiter. Sypheum, no-
num Pandosiam ad antiquae vestigia excitatam, Rouitum,
Citrarum, Laum, Platicum, Cletam denique olim sedem
Amazonum, Cletae Reginae domicilio celebrem, castellum
nunc obscuri nominis, clades affixit ex parte. Castilio ma-
ritima, Rosa, Luzzum, S. Lucidus, Nuceria, Grimaldum,
ita penitus confaternata, ut non tam deiecta crederes, quam
erasa. In his aequantere ruinas funera. Nulla tamen res ma-
gis saluti fuit, quam in terra procella celi serenitas. Haec
multos ex vrbibus, oppidisque ad suburbia, ac villas allexe-
rat: quo colonos omnes ferialis diei minimè feriatus labor
impulerat. Campis tamen clades impar, parmetus. Tur-
batum quoque, ac trepidatum in agris. Conspectore, qui
aderant, herbas repente, arbores, sylvas integras circum-
duci; quasi iam ex his extorta nanigia marinis fluctibus æ-
stuarent. Turres, quæ ruralibus casis impositæ, atque in-
ter plantas, per interualla, dubium an consistæ, an conditæ,
colles mira varietate distinxerant, ita funditus cecidere,
ut ne vestigium quidem extet posteris indicaturum, unde
turres assurerent. Terra quippe non diducta in latera, sed
recta sursum, deorsum assiliebat, ita ædificia conuellens, ut
in se ipsa subsiderent. Quocirca, sub terræmotus initiali,
quidam Consentiae nostri Collegij fenestra, herbas vident, &
arbores subfultantes, quasi choreas saltibus agerent, fau-
stum ad speciem exordium in funestissimam tragœdiam de-
fiturum. Montis etiam eidem Consentiae impositi, que
veterem appellant, fastigium magno fragore desiliit, quasi
extremi iudicij imminentie die illorum vota audirentur, qui
dicerent montibus, radite supernos, & collibus operite nos.
Tam ingens in campis clades rusticos, cæterosque, qui ru-
sticatum ferant, ad fugam impulit. Per sylvas, per iepreta,
per rupes se dedere præcipites, quasi prædonum manus virge-
ret a tergo. Ut deuentum non iam ad vrbes, & oppida, sed
ad reliquias umbraticas oppidorum, atque vrbium, lapidum
tumuli

eumuli commonstrauere cladem. Tum verò metu in misericordiam verso, sublatus ad celum clamor lares, patriam, parentes, liberos, coniuges lamentantium: quo gemitu alibi denuo colles, ac iuga montium resonabant. Tum ad effodiendas ruinas incubuere. Quisque architectum, quisque fabrum murarium, quisque manipulum agebat. Nulli vnamquam usui opportunius vomer adhibitus, quem coloni ex agris retulerant. Refossa humo, multorum corpora educta adeo lacera, ut vix villa pristinæ formæ imago appareret, nihil feciis ac passa lanienam ab hoste. Alia modicè elisa, oris habitu post recens fatum, inter vitam, ac mortem anticipati. Calentibus adhuc membris relictus in vultu stupor, & quidam acer ad assurgendum conatus, sed irritus. Extraicti nonnulli spirantes, inter supremos singultus, luce recepta, quam mox amitterent, ut paruo interuallo bis perirent. His non auxilium allatum, sed solatium; ad hoc vnum elatis, ut mox iterum efferrentur. Non paucis etiam tempestiuè subuentum, quos ruinæ non tam obtruerant, quam obtexerant. Hi refecti superuixere pericnlo, plerique aliqua corporis parte mutilati, pauci integri. Nec dubium quin alij quoque euasissent, nisi terræ reciprocante motu, cum non tecta, sed ipsæ ruinæ iam ruerent, & saxa hærentes in lubrico, ac subeuntes opprimerent, misericordia rursus in meum versa, a cœpto opere abstinuissent: alieno exitio, quid sibi timendum foret, admoniti. Illorum sanè miseranda conditio, qui tunc omni ope deserti, nec subita morte defuncti, aliquandiu inter ruinæ vixerent, ut eò atrocius interirent, quod lentiùs. Quænam porrò mens illis fuit, cum mole lapidum obruti, nec extinti, in terra visceribus tumulati ante fatum nocte oculis circumfusa, nec liberè inter angustias meante spiritu, susque, deque, & à latere circumsepti, neque aditum haberent, quo sibi opem ferrent, nec quo deposcerent? In ea rerum alea constituti, ut fame tandem, mærore, pœdre, ærumnis omnibus enecandi, lethi quodam veluti stillicidio, nec diu viuere possent, nec citò mori. Hos non ante cupido salutis incessit, quam desperatio: nec priùs animi defecere, quam vires. De Sciliano iam euerso accepimus, siebiles auditos è solo gemitus, vocesque confusas, facili co-

G nie&u-

nictura ab oppressis imploratam opem superstitem. Sed
 planè incassum, quod obrecta voragine, absorptis ædibus,
 paucorum labori tam altè obductæ moles obsisterent. Ad-
 mirabile id, quod ab oculato teste accepi, repertam prope
 Nicastram; inter ruinarum monumenta, mulierem dubium
 an metu examinatam, an fame: infantulum verò in eiusdem
 viuis viuum, appressis labellis ad vbera, & hausto vita pa-
 bulo è mortua. Incredibile id meritò videri posset, nisi re-
 centissimo exemplo attestaretur antiquitas. Nam post in-
 gentem Antiochiae terræmotum sub Traiano, neminem, in-
 quic̄ Dio, viuum inuenire potuerunt, præter puerum, qui
 matris mortuæ sugebat vbera. Aliam præterea refert serua-
 tam, quæ suo le lacte pauerat, ipsa sibi nutrix, & infans. Tra-
 ditur quoque de alijs in casu consimili, incisa dentibus vena,
 aliquandiu suo se sanguine sustentasse: cum resorberent, quæ
 fuderant. Quæ nunc tragica tot hominum millibus euene-
 rint, quorum plurimi nec repente extincti, nec discrimini
 opportunè subducti, Deus profectò novit: nos silentio in-
 uoluere cogimus, quæ tenebris inuoluta cogitare horret ani-
 mus, refugit calamus scribere. Illud tamen præterire non
 possum commemoratione dignissimum, quod ex ijs vmbbris
 flammæ maleficio verius, quam beneficio evaſit in lucem.
 Quidam, ruente æde sacra, trabibus forte superstantibus, in
 fornicato aliquo intercolumnio incolmis feruabatur. Sed
 profectò iudicia Dei abyssus multa. Nam cum ij, qui lapi-
 dum aggeres perscrutabantur, cadavera, quæ commode pos-
 sent, efferrent, reliqua concremarent, ne eo halitu, e motu
 terræ lues aëri gignetur, tabulata, ac stramenta igne cō-
 cepto, & flamma latè fusa, sedem corripiere, cum quais ea
 iactatione desiderat. Infelix incendio absumptus: & quo-
 danmodo sibimet aduersante natura, quem terra demerse-
 rat, ignis extinxit. Miseram sane conditionem mortalium,
 quibus ad vitam vnis, mille ad lethum aditus patent. Huie,
 de quo diximus. ignis exitio, alteri aqua saluti fuit. Ferunt
 pastorem, patefacta eo terræmotu voragine, illico voratum
 cum grege: sed cum eodem tempore, (fidem liberent, qui
 oppignorarunt: equidem plura trascribo, quam affero) tor-
 rentem ex hiatu terra summitteret, eodem impetu reductum

ad

99

ad auras cum pecore, quod terra rapuit, aqua reddidit, aëris recipit. Ita ille semel terræ motu, denuo inundatione factus, duplice infortunio felix, planè perierat, nisi bis periisset. Consimile de Garzia Toleti Neapolitanæ arcis praefecto à maioribus nostris accepimus, quem aliquando classi vectum prior vnda è puppi ad mare proripuit: posterior e mari ad puppim reduxit, ex congerminata lœvitia incolumente. Ita non dispari euentu de duplicato veneno, quod vim prioris inhibuit, Ausonius sic lepidè cecinit.

Et, cum fata volunt, bina venena iuuant.

*Ausonius in
Epigr.*

Neque in terræmotibus insolens, nouas aquarum erumpere scaturigines. Nam in monte Coryco, post terræ concussum, nouas fontium exiliisse scatebras, Theophrastus testatur. Quod etiam in bello Mithridatico prope Apameam Phrygiæ urbem euenisse traditur. Nunc quoque hunc terræmotum sequutos, nouos extitisse amnes prope Lametiam, incertus rumor vulgauerat, omnia in maius tollente fama. Sed facile idem fluvius ruinarum obicibus aliò deriuatus, novi speciem præbuit. Iam locus admonet, ut à citeriore ad ulteriorem Calabriam gradum tandem hæc narratio faciat. Huius caput Catacium, altera magistratus regij sedes, urbs & celebritate ciuum, & quod Gallorum obsidione in pene sola dispulerit, fidelissimæ appellatione pernobilis. terræmotibus plerumque obnoxia, ac sèpiùs hoc defuncta periculis nunc grauem in ædibus passa perniciem, leuem in ciuibus. Quinque tantum ex hoc terræ assultu capita desiderantur. Inter quæ Ioannes Dominicus Bulorta, olim Romæ Canonicus, tum Episcopo Cataensi à secretis, postremò Episcopi S. Marci Vicarius, qui longo morbo vexatus Catacium rediit: ut cœli clementiam captaret, terræ sœ uitiem expertus. Nam ab Episcopo comiter exceptus hospitio, ac pristinæ valetudini redditus, cum in æde maxima quadraginta horarum in posterum diem apparatui piè operam daret, ad primos terræ succussus, ac murmura, illlico in fugam effusus, in parietem ruentem incurrit: quo oppressus interiit; sospitus ijs, qui steterant. Ita nihil illi magis exitio fuit, quam cupidio salutis, nouo experimento teltatus persæpe euenire mortalibus, ut mortem arcessant, dum arcent. Par domus

*Theophrast.
Conambr. in
Met. tr. I. I.
.c. 8.*

G 2 Episco-

Episcopalis , templique calamitas . Nam aula , anterius cu-
 biculum , facellum , funditus corruerunt : & quidem tum
 domesticis , tum hospitibus vacua , siue casu , siue consilio :
 lapillis fortasse , vt fit , deciduis ruinæ prænuncijs , ac præmo-
 nentibus fugam . Episcopus in interiori cubiculo cum no-
 stræ Societatis patre , ac duabus alijs negotia pertractabat .
 Hi duo desiliere . Episcopus cum patre substitit : vtque id si-
 bi mutuo præstitere , quod in rebus extremis solet , rei exitū
 opperiri decernunt , quā se clades inferret , quā vitaretur in-
 certi . Cæterū multæ domus prostratæ , concusæ reliquæ :
 adeo vt hic quoque , vacuis rectis , ligneas in campis ædici-
 las effinxerit ingeniosa necessitas : aliò veluti vrbe traducta ,
 & Scytharum more , versatili . Adhuc post duos fere men-
 ses elapsos , dum hæc scribo , degunt plerique extra lares , alij
 extra urbem , ante patriæ aspectum velut exilio multati .
 Hic quoque supplicationes decretæ , quemadmodum de Con-
 sentia diximus : itumque ad lachrymas , ad precationes , ad
 vota ; cum noui semper per interualla terræmotus infreme-
 rent . Sed quoniam his malis Cataenses assuetudine prope
 obcalluerant , terræmotus post viginti dies instauratus atro-
 cior , ciues ad commune consilium impulit , vt fastigiata de-
 moliti palatia , humiliora recta construerent . Quando nimis
 elata fulmini obnoxia , non cæli solum , sed terra quoque
 motibus subiacent . Maior in reliqua prouincia strages , quā
 vt apud exterors repertura sit fidem . Inter prodigiosas fabu-
 las posteri recensebunt , quæ seriem nobis texunt historiæ .
 Magna vrbiuum , atque oppidorum pars diruta . Nicastrum ,
 quod paulò ante in Calabria ostentabatur , nunc vbi fue-
 rit , quæritur . Hæc vrbs funditus euersa cum ciuibus exitū
 habuit , vbique terrarum , publico luctu , deflendum . Inte-
 rerant in Franciscanorum templo horarijs precibus mulie-
 res promiscuè , ac viri termè sexcenti , musicos inter con-
 centus : cum resonante longè aliter terra , templum , turre ,
 recta , muri , vrbs denique tota corruit ; primò exiliens , tum
 decumbens , demum in se sepulta . Conseputa magna pars
 ciuium . tria millia perhibent . Non plura in bello funera-
 cum magna clades infligitur . Vicos etiam , ac finitima vr-
 bi oppida idem turbo corripuit . Perlegi quasdam eorum
 episto-

Nicastrum

Mangino, Ni-

cæstra alijs.

Numistro

Ortelia .

epistolas, qui diuino beneficio euasere; unus sub fenestra, alter sub porta fornice, tertius capite in foramen ingestus: omnes, reliquo collabente ædificio. Quidam præterea, cum per aream ambularet arcu subiectam, hancque suspicere proniam, ac præcipitem, pueris duobus, qui fortè tum suberant, arreptis in brachia, tantum planè spatij habuit ad suffugium, quantum moræ datum est ad ruinam: & ne saxorum fragminibus pateret, occuluit se, puerosque sub saxo: triplici corona ciuica dignus, quod præter se, duos quoque cives seruauerit. Episcopus, quasi nutu diuino præfigiret euentum, animi causa egressus ad prædium, dum voluptati deseruire videbatur, suo capiti consulebat, nunquam utilius, quam in hoc otio negotiosus. Præcepti quoque ab exitio alijs, qui per agros, & campos diuagabantur, feliciter extorres à patria. Hi ferali accepto sonitu, cladis infelicissimæ nuncio, accessere protinus ad muros: neque muros, neque urbem reperere, quam florentem, intactamque reliquerant. Obiecta cere se acerui lapidum, & confusa quædam rerum congeries, simulachra vrbis, quæ fuerat. Obortæ omnibus lachrymæ, obuersante ante oculos repentina patriæ excidio, inter tot ciuium, qui supererant, damna; qui obierant, funera. Querebantur calamitates alijs per interualla, ac minutatim accidere, sibi amicos, affines, parentes, natos, coniuges, lares, suppellectilem, patriam vnicum momento sublata. Inter gram ijs collachrymationem deberi, quando nihil restet amittendum, quod defleant. Nullum iam superesse solatium. Ne cadavera quidem extare, quibus iusta persoluant. Ergo non metu, non periculo territi, obmurmurante adhuc telure, irrupere in ruinas. Sed, dum vita functos queritanc, incurruunt in viuos. Accipiebantur ex cœgo tenuissima voraces veluti lamentantium. Quamobrem sollicita sonos aurei captare: & sicubi gemitus audiretur, illic solum ferro prosciendere, quasi suos vlturi penas cœdis à terra depositarent, quæ patrauerat. Pars opus vrget imperio, pars consilio, pars ligone. Tandem, perruptis obicibus, ad caueas factus est aditus. Pauci ad auras extracti semimortui, qui tumulati fuerant semiuiri. Duo præterea inde traduntur non præreunda silentio, sed posteriorum memoriz consignanda. Al-

-obiq

G 3

terum,

terum, in ipsis ædium fundamentis inuentos passim globos
cinereos, quasi vrbs nō tam terræmotu hausta, quām incen-
dio, abiisset in cineres; à terra, & igne, iunctis copijs, illa-
ta clade. Alterum momoratu, dignum, Lametum fluuium
prope Nicastrum, visum rubricatis aquis, veluti sanguine,
currere: vt in eo Nilum agnosceres vndas Ægyptijs reuo-
mentem sanguineas. Vtriusque prodigijs causam, ne series
interturbetur historiæ, paucis infra perstringam. Nunc, vt
cœptam narrationem prosequar, inter cæteros, qui egesta
humo è ruinis viuentes eruti, eductijs sunt, eximia Laura
Aquinæ, Principis Castilionis, Nicastro etiam imperitantis
vxoris, nobilitate clara, pietate clarior, vtero grauis: vt in-
vnius salute duo capita seruarentur. Facto tunc erepta, in-
fracto animo, effracto crure, malum in tam ingenti clade
leuissimum. Non eadem Principi fortuna fuit. Nam, cum
in gestatoria sella, iubilei causa, sacras ædes obiret, decum-
bentibus vndique tectis obrutus, nec sellæ, nec cadaueris
per plures dies vlo extante vestigio. Maxima profecto in-
tanto infortunio felicitas, quod mors illi obuenerit ritè con-
fessio, percepta etiam pridie Eucharistia: quasi viaticum ad
iter extremum sibi compararet, vel nescius, si omnia ad in-
dulgentiam adipiscédam iniuncta peregerat, ad superos pro-
tinus euolaturus. idem plerisque contigit, quos ea occasio-
ne Sacramentis munitos mors subita deprehendit. Enim
uerò, non sine certo diuini afflatu numinis, hoc planè tem-
pore Summus Pontifex, Iubileo indicto, ditissimos Christi
sanguine thesauros Ecclesiæ, Petri clauibus, referavit: ve
postremo Iubilei die tot extincta hominum millia, eo in-
citamento culpis ante Pascha præmature dilutis, a gehennæ
interitus vindicaret. Nimirum non poterat, tam amara ca-
lamaritas nisi ab Apibus effuso mellè dulcescere. Redeo nunc
ad Castilionis Principem, futurum hoc ipso nomine celebrē
apud posteros, quod cui angustiores tumuli capiendo satis
non essent, sepulchrum vrbs tota considerit. Principis fa-
tum fere omnia, quæ ad eiusdem ditionem spectabunt, ea-
dem ruina traxit. Nam in citeriore Calabria Murgantia, &
Castillo; in vltiore; de qua loquimur, Nicastra, Ferolitum,
S. Blasius eodem modo decubuere. Loquor de interitu op-
pido-

pidorum, quasi hominum obitus memorarem. Eadem quippe facilitate disperiere tot oppida, qua totidem homines periissent. Magna profecto iactura opulentissimæ domus, quæ aureorum quinquaginta millium annuos redditus numerabat. Quanquam, si vera sunt, quæ constanter fama vulgauerat, damne plus adiectum, an lucri, apud peritos rerum æstimatorem ambigitur. A patre Principis, qui nunc obiit, ingentem vim numerata pecunia æ gestam esse compertum est. Ad quingenta aureorum millia ascendisse traditur. Hæc ille in latibulo arcane condiderat, naturam imitatus, quæ aurum celat, ut seruet. Locum nulli mortalium indicauit, hæredibus suo tempore detecturus. Prohibuit hoc inopinata mors: Hæredes saepius id scrutari, magno semper labore, sed irrito. Hoc ansam dedit firmo apud vulgus rumori, ruanas ex insperato aperuisse, quod texerant. siue vertigo hæc fuerit instabilissimæ rotæ eodem impetu prementis vna, ac tollentis: siue ludus in humanis rebus veluti iocantis fortunæ: quasi oppidorum, quæ fors abstulerat, religione quadam, è vestigio pretium persoluisset, fortunatissimis sanè ijs, quibus fortuna ex infortunio nascitur. Hoc an verè iactatum: an, dum de auro agitur, sit inter splendidiora mendacia numerandum, longa dies aperiet: re nunc siue falsa, siue vera, prudenti consilio reticenda. Certior Principis Sandi Mangi, ex eadem Aquinatum familia, in tam communis clade prosperitas. Egressus in campis, e bello regredientem filium excepturus mortem reliquit a tergo; diruto repente domicilio: vnde, nisi decesserat, decessisset. Natus certè parente post militiam seruato felicior, quam cæsis hostibus miles. Soriani Comitem, Ducis Nucerianæ filium seruauit venatio, ad quam eo die cælum impluuium, ac placidum inuitauerat. Palatium cecidit, cum obequitaret in campis; festiuam necem meditatus, dum ipsi mors luctuosa imminiebat. Profecto nunquam minus errauit, quam cum per auiam erraret: neque ei vlla tam iucunda prædatio, quam cum prædatus est vitam. Enim uero sospitauerunt syluæ, quæ vrbs peremisset. Ceterum Episcopi quoque omnes seruatissime in hoc rerum articulo ouibus pastores decesserent. Hos, obsecundante numine, intactos clades præteriit, late in vrbes,

ac populos debacchata. Miletii vrbis poene deleta. Domus Episcopalis corruuit, Episcopo vix limen egresso, & ruine prærepto. Templum Sanctissimæ Trinitati dicatum, Abbatum dignitate conspicuum, à Comite Rugerio magnificen-
tissimè extructum, post tot secula concidit. Ut hinc facile intelligamus, nihil inter mortales reperiri tam firmum, quod non aut vetustas corrodat, aut vis, vel fortuna con-
uellat. Minores ædes maiorum ruinas comitatae, exitium
vrbis pagi. Non multò felicior Medama, grauem quoque in
rectis passa pernicem. Regini terræmotus minax, sed mi-
tis, solo fragore contentus. Quippe seruabat ciuium nuper
extincto Archiepiscopo lachrymas : terræ, vt olim in Pau-
lini Sanctissimi Antistitis obitu, innocuo sonitu veluti con-
decorante fuisse. Nouo tamen terræmotu fere post mensem
elapsum sauitis integrato, tantus ciues terror inuasit, vt de-
serta vrbis, vix consiliij compotes multò grauiora præsentibus
expectarent. veriti fortasse terræmotum illi parem, qui
extra omnem memoriam aleam positus, promontorium Rhe-
ginum à Sicilia, interiecto freto, diremit: dubia Græcorum
fide, & obuoluta tot seculorum congerie veritati tenebras
offundente. Indicta celeriter supplicatio. Francisci Xauerij,
noni eius vrbis patroni statua circumducta: quam comitati
ciues fere omnes saccis, crucibus, flagris instructi. Mana-
bat e tergo sanguis, ex oculis lachrymæ: & glomeratis in-
vnum vocibus misericordiam implorantium repercussæ val-
les, ac litora responsabant. Nec silendum, quod inde nunc
ciant recentissimæ litteræ. Pagi Regini in tres distributi
regiones accolæ ad eiusdem Francisci ædem sacram turma-
tim ibant, terræmotum deprecaturi: cum una pars viae te-
dio substitit, duabus reliquis prosequuntis iter, quod cœperat.
Dispar consilium, dispar etiam quæ dannauit, qua probauit
eventus. Nocte proxima terræmotus atrox eorum tantum
ædes inuasit qui re infecta redierant: ab ijs, qui Xauerij tem-
plum inuiserant, ne auditus quidem. Illis importuna quies-
terræmotum: his pium iter quietem peperit. Hæc ex vrbis
Rhegio. Idem Tropianæ terror, idem periculum, idem sensus animo-
rū supplicationes, cruciatus, preces; ingenti metu, dano mol-
dico: quod vrbis mare despectans, in scopulosis locata rupi-
bus,

*Tropiana nūc
Tropia ex Or-
telio, Post tro-
pau dicitur
Barrio.*

bus, non contra hostium modò, sed aduersùs etiam naturæ bella consistat. In consimili discrimine, sors non dispar Locrorum, S. Christinæ, Hipponij, nisi quod huius oppidi pagi tres cecidere. Sorianum planè indemne: nec dubium quin D. Dominici beneficio. Napitia incolis tulit incolumentem prodigium. Ferunt, terræmotu impendente, visum è vicino litore ad duo passum millia mare decadere: arescentibus repente vadis, quæ modò supersusæ vndæ occupauerat. eo spectaculo paganos malum imminens odoratos, destitutis confestim laribus, ad sylvas, montesque immigrasse: insolito aquæ motu terræmotum prænunciante. Brystaciæ cum pagis, Subsiccino, Philogaso, Panaïæ, Monti sancto, Montiforo, Castro manardo, Roccæ Bernardæ, Marcellinari, S. Floro planè prostratis, ob hoc vnum non planè infelices ruinæ, quod superfuere, qui lugeant. Infaustior Vibonis conditio, vbi terræ hiatus fumum sulphureum interdiu, noctu flamas emisit; quo suis etiam Calabria Aetnis, suis Vesuuijs inhoresceret. Luctuosissimus omnium antiquæ Lametiæ, nunc S. Eusemiæ exitus. Qui pagus, commune nauigantium hospitium, vndè rates soluere, quò solebant appellere, ita cum accolis repente dispergit, vt vix, aut ne vix quidem saxula manserint, monumenta, siue recentioris ruinæ, siue anterioris fortunæ. Lachrymabilem eius solitudinem narravit, qui spectauit nostræ Societatis Sacerdos, natione Germanus, germanæ, id est probatissimæ fidei. Libet hic quædam ex eodem adjicere, quæ totius ex ea parte oræ maritimæ statum, pœnè oculis ipsis subiiciunt. Ille, superiore anno, Principis Hassiæ Lantgrauij fratrem, Catholicæ religioni auspiciatissimè redditum, ad Melitam insulam comitatus, Romanæ regrediebatur, re confecta feliciter. Ergo, cum eodie, qui nigro semper erit calculo designandus, hic e Messanæ portu soluisset; & cursu prospero, freti angustias, ac duorum marium inter se coeuntium procellosa compêdia præteriectus, iam Rhegium & proximos Calabriæ tractus cymbula, quæ vehebatur adraderet, mare ventis pœnè silentibus, sponte assultare visum, atque effruescere, insolito quidem æstu, & nautis ipsis ignoto: in eum modum, quo in ollis aquæ, subiectis flammis, ebulliunt. Nauarcus inopinato malo perculsus

Hipponium.
nunc Monte
tc Leone alijs
Vibo. Valétia.
Napitia nunc
Lopizzo, ex
Bar.
Brystacium
nunc Briati-
co ex Ortelio
Subsiccino.
nunc Belfor-
te, ex Bar.
subcisinum
Sigonio.

sus ad Vulcanias insulas, non longè a Calabria, proratum, ac phaselum obuertit. Sed, cum quò propriùs accedebant, eò magis infernè sub silerent vnde, & stusque maior, quam qui vitabatur, occurseret, nautæ ancipiti periculo impliciti re-migrare coacti, & quas declinauerant Calabriæ oras relege-re. Verùm, cùm adhuc subsultim emicarent ex se se fluctus, ac nauigium velut in saltus attollerent, vt primùm licuit, proxima Tropianæ vrbis litora tenuerunt. Vbi viribus, ani-misque refectis, dum ad reliquum inter se comparabant, exim-prouiso ingens ex terræmotu fragor auditus, quem par maris feruor præcesserat: substrato aquis solo prima terræmotus ru-dimenta inchoante, ac veluti sub latebris condiscente. Ia-ctatio hic leuior quidem, quam alibi, vt supra diximus, sed subinde præualida paucas domos euertit, ciuium maiore metu, quam clade. Tandem, quiescente sonitu, terræ agi-tatio non quieuit: sed ea nocte, ac die etiam proximo, intre-muere sola terrarum: ita vt unus continens terræmotus, sed non vno ductus impetu videretur. Quocirca, cùm iij, de qui-bus diximus, cœptum iter prosequerentur, videbantur ijs subsultare litora, arbores, montes, tecta, oppida fluctuare: neque alia camporum, quam æstuantis pelagi species. Mi-rari omnes, quod procellas terris multò sauiores offendere, quam inter Charybdis, Scyllæque vortices super à ter-go reliquerant. Exhibebant se passim congesti saxis, cœ-mentis, asseribus, trabibus aggeres, cadauera castellorum, atque vrhium, & veluti naufragiorum eiectamenta. Turris Vibonæ, Napitiæ, Nicastri, S. Blasij gnari locorum nomina recensebant: res iam subtractas ex oculis non videbant, som-niare se rati, ac nocturnis laruis illudi. Ut ventum est ad S. Euphæmiam, castellum de quo diximus, sub ditione Meli-tensem equitum nobile; hic ne reliquiæ quidem apparuere, quæ non pagum, sed vel tenuissimam pagi memoriam reti-nerent, vt a peritis indigitari vix posset, hic fuit. Templū ibi ante visebatur religione sacrum, antiquitate percelebre amplitudine augustum, structura conspicuum, parietum firmitate munitum, arcis in formam assurgens, propugnaculū aduersus Turcas, atque unicum in colarum perfugium, si quando ea loca, aut pyratarum mioparones, aut hostium etiam

etiam iusta classis inuaderet. Turris, quam campanariam appellant, in tantam sublimitatem efferebatur, ut ad triginta millia passuum prospiceretur. Templum, turris, tintinnabula ita terræ hiatu hausta, & sepulta, ut ne signari quidem possint vestigia, quibus antea tanta moles, tamque insana substractio nitebatur. Tum verò nautæ ad tam ferale spectaculum sublato ad cælum, seu clamore, seu gemitu, desiluere in litus: ubi recenti memoria oppidum viris, tectisque frequens reliquerant. Cursitare hinc, inde, iustrare omnia, singula oculis, auribus, manibus explorare. Nihil ob uium nisi deserta planities, muta solitudo, mœstum silentium. Sabulum insolitum occurrebat, calens, ac feruidum, quasi subiectis ignibus torreretur. Tandem homo repertus faxo insidiens, manu ori admota, contracta fronte, tristi supercilie, immotis palpebris, appressis labris, terræmotu immobilis redditus, & inter lapides prope faxeus. Nescit profectò lachrymas magna calamitas, & ingens dolor querelas etiam amputat. Amiserat hic bona, lares, amicos, consanguineos, patriam, omnia. Lamenta supererant: hæc quoque fors tam acerba sustulerat. Hospites eo aspectu attonti, solati quoquo modo miserrimum, nihil, ut opinor, ultra perconditati, quando loquebantur cladem arenæ ipsæ vocales, ad cymbam celerius regredi, quam venerant, deseruere protinus funestissima litora, quam remis concitatissimæ velis effusis Neapolim petituri: ubi hæc, ut à teste oculato, & luculentissimo accepi, ita retuli. Traditum etiam inde, occupata omnia aquis palustribus, e solo subnatis; quæ se ad palmos septem, octouo attollebant; ne oppidum excitare, si qui velint, possint; nisi, nouo Orbis terrarum miraculo, nouæ inter aquas Venetiæ substruantur. Hi è Calabria tunc citeriore, tum vteriore nuncij. Non his tameu se continuit finibus tam vasta calamitas: sed trajecto freto Messanæ tenuit, inter Scyllæos latratus admugiente terra. Templum Archiepiscopale toto terrarum orbe celeberrimum, Virginis Matri sacrum, cuius ea vrbs epistola gloriatur, æternæ benevolentiae obside, aliqua ex parte delapsum didicit possit dirui. Turritus paries ex dextera templi parte longo tractu protensus, ac fastigiatis per interualla pinnis conspicuus, terræmotus

COPIAS

ræmotui vi labefactatus : subiectam ædis sacræ, vt appellant,
 nauim eodem turbine pressit, mersitque. Ingens eo die ad
 vespertinam Sabbati concionem auditorum multitudo con-
 uenerat : tantaque ijs pietas magno stetisset, nisi suo Deipa-
 ra præsidio præuertisset exitium . Quippe trabes, pinnæ, quæ
 cecidere per interualla, & nimbus puluereus e tectis mox
 casuris excitus, offusa caligine, periculi admonitos ad fugam
 impulit. Ita nō uno miraculo puluis lucem tulit, dum sustu-
 lit, viamque, dum obstruxit, aperuit, mox redigendis in-
 puluerem, nisi puluis prohibuisset. Septem tantum exani-
 mati. Inter quos mulier vix tum soluta culpis vita, & cor-
 pore soluitur. Confessario tamen intacto, cui feruando duæ
 trabes, cum fuerent, obliquauere se in fornicem : ne mors
 illi inferretur in vitæ munere. Tres quoque pueri, dum in-
 consulte trepidant, vnuisque alteri festinando fugam mora-
 tur, omnes præuolauere ad superos, acerbissima ætate; ma-
 turante satum immaturitate consilij. Cæteri in fugam effu-
 si perniciitate pedum euasere perniciem. Messanam terræ,
 Panormum aquæ motus iactauit. Pelago inundante, nauis
 in portu demersa, cymbulis etiam pluribus maioris nauigij
 fortunam sequentibus . Reddidit quodammodo suas sibi na-
 tura vices, vt quando insolita glacies hyeme fontes obstrin-
 xerat, vere mare exundaret. Neapolim terræmotus non-
 tam affixit, quād attigit, velut ex longo itinere debilitatus,
 ac fractus ; ita sensim, vt non paucorum sensus, atque au-
 res effugerit. Terræ se associauit rumusculo Vesuuij flam-
 mula, qui tunc visus modicè inardescere : quasi, vt turres
 speculatoriæ solent, ea montis arx latenter hostis aduentū
 elata face, detegeret. Sub idem tempus, in vicino Abellæ
 oppido ingens arborum strages vi ventorum; ne tunc erum-
 pentes e terra halitus innoxij volitarent. Campania reliqua
 intacta, ne felicis nomen amitteret. Lucania finitimo ma-
 lo correpta . Nam paucorum dierum interuallo Marateæ
 adeo terræmotus inualuit, vt vbique consiperentur parie-
 tes discissi, dissitique inter se: mox tamen eodem impetu
 coaluere. Quod ciues S. Blasij, cuius corpus in ea vrbe co-
 litur, tutelæ, ac patrocinio ascribunt. Tarentum quoque
 terræ leuis perculit fragor, vt antiquam cum magna Græcia
 cogra-

cognitionem agnoscet. Postremò Senæ in Hetruria con-
cussæ, iam latius manante malo. Cæterum, quò terræ non
peruasit motus, metus irrupit. Astra terrorem incussere ijs,
quibus terra non potuit. excitata quippe his cladibus eorū
industria, qui syderum cursum scitè norunt inspicere. Astro-
logos appellant, genus hominum inane, & ventosum, duces
promissis onerans, vulgus terroribus, in vtroque mendax
dum portenta prædicunt, ipsi verius portentosi. Ambigi-
tur an inter hos recensendus Petrus Paulus Sassonius, na-
tione Calaber, munere medicus; qui, hac serpente clade,
cœpit magis horrenda præcinere. Terræmotum imminere
seuiores non vni prouinciæ, aut regno, sed toti sere orbi
terrarum. Mare litoribus aut consensis, aut effractis ad duo
passuum millia exundaturum, maritimorum euersione vr-
bium. Grandines eodem tempore quinque librarum ponde-
re ruituras e cælo, quibus animantia, ac tecta subruerentur.
Et, ne quod fingi posset aliqua ex parte perfugium, flamas
erumpentes e montibus cetera vastaturas. Iudicium immi-
nere mortalibus, non quidem supremum, sed supremi quasi
prænuncium, ac prodromum. Excepta hæc primò credulis
auribus ab imperita plebecula, tum traducta etiam ad pro-
ceres, non sine suspcione veri. Fidem conciliabat rumor,
quod is tum Vesuvianum incendum, tum terremotum hunc
recentissimum longè ante prædixerit. Appellabantur pro-
batissimi testes, idque a multis etiam cordatissimis creditum,
cum illud tantum in controuersiam vocarent, an id obser-
uatione astrorum, an ope dæmonis, an numinis afflatus resci-
uerit, quippe ille diuinam sibi sapientium astare iactabat.
Quouis modo id prænosset, exitum pertimescendum puta-
bant. Res eò deducta est, vt in tota fermè Calabria incolæ
secessionera, ac fugam meditarentur: quasi ibidem deberet
repetita calamitas recrudescere. Quanta etiam hic in vrbe
regia facta sit eo nuncio consternatio animorum, credi vix
potest; præteriti vaticinij fama fidem faciente mendacio.
Irridebantur quidem ea præfigia a paucis: metuebantur ta-
men a non paucis: plurimi, vt dicam leuissimè, non con-
temnenda censebant. Recolebatur ab historiarum peritis,
ætate Francisci Petrarchæ, consimile vaticinium, tanto po-
pulo-

pulorum terrore; ut Ioanna adolescentula regno poterat, nudis pedibus, ædes sacras obierit: tanta etiam euentus vaticinio respondentis fide, ut prænunciato die horribilem terra boatum ediderit: mare Neapoli exundarit, voratisque, in portu nauigis ædicas litorales demerserit, magna mortarium strage: dies quoque noctem effuderit, extincto sub oriturum Sole; cælo, terraque mundi interitum cunctis clamantibus. Grauiora nunc timebantur recentissimo Calabriæ exempli. Hæc passim in triujs, in angulis, in foro, in aulis sermone omnium ferebantur: territis semel animis ad metuenda deteriora pronis. Damnabatur censorio supercilios ab Aristarchis credulitas; ab alijs, par huic vitium, securitas. Itaque ad montana loca diffugere nonnulli cœperant, alij decreuerant: exundatione maris maiorem in eutiente metum, quam montis flamma, cui assueverant. Trepidatum prætereat in toto regno, quod celerrime rumor manauerat. Sed profectò tam vasta mendacia mole ruunt sua. Captus ille iusu regij Magistratus, ac Neapolim perductus, ubi vocatus ad questionem damnatus est ad triremes: ut in lignea arca se clauderet, qui diluuium præmonebat, mare remis sollicitaturus, ut exunderet, iuxta præfagium. Ductus publicè per plateas, inter confertissimam multitudinem exceptus sibilis, probris, pugnis, calcibus, vulneribus a turba antea metuente, postea indignante metum: ita ut magno satellitio septus vix vulgi manus, ac furorem effugerit. Nec deerant, qui votis eum suspendio destinarent; quasi laqueo mendacium strangulaturi. Cæterum, quod his præteritum terræmotum prædixerit, pernegant aliqui: cum plerique id generis hominum post euentum diuinent. Sed, si res ad veritatis trutinam expendatur, pro comperto id habitum apud multos, qui suo testimonio aliorum fidem extorquent. Evidem ita censeo, ex Almanaco, ut appellant, Benincase, in quo terræmotus hoc anno prænunciantur, a Sassonio Calabriam, in qua degebat, quod terræmotibus esset obnoxia, designata. postea euentu animosissimum redditum. temere adiecisit maiora, perfecto fortasse præfagio eodem: in quo mensis Maij dies quintus periculosus edicitur. Consultius profectò fecisset, si suum sibi exitium, non alienum præcauens, medicinæ arte contentus

tentus, humani corporis tremores, non terræ; humorum eruptiones, non fluctuum; febres, non incendia præsens fuerit. Nunc e regio ad sancti quæsitoris tribunal traductus tritem commutauit carcere, ut nouum ipse iudicium subeat, qui commune cunctis iudicium minitabatur; pœnas audaciæ, nisi crimen diluat, luiturus. Hæc de metu ex causa planè inani, ac pœne ridicula. Sed graniora non deerant, quæ timorem injiciebant non leuem. D. Ianuarij sanguinem, vrbis huius thesaurum nullo capit is occursu exhibuisse se sponte mollem, ac liquidum claris authoribus traditur. Quod est, ut seculorum experientia docuit, in ipsomet prodigio prodigiosum, nec sine calamitatum indicio. Nam, ut de cæteris fileam, cum aliquando inter Paulum Quartum Romanum Pontificem, & Philippum secundum Hispaniarum Regem atrox bellum arderet, Duce Aluæ Neapolitano Prorege cum exercitu aduolante ad vrbem, atque obsidionem minante, tamdiu hic sanguis, contra naturæ leges, extra venas se liquidum præbuit, quamdiu bellantium animi præbuere se duros. Tum eodem die, atque hora concreuit, quo pax firmata, atque obedientia Pontifici reddita: quasi calamitosis temporibus sanguinis hic, amore carnifice, se guttatum effundat, quot stillis rotide vocibus pacem, ac veniam appræcaturus. Verum, cum Ianuarius non Neapolitanæ tantum vrbis, sed totius etiam sit Regni patronus, sanguis nunc vltro eliquatus ad præsentem Calabriæ cladem referri potest, quæ nondum planè detonuit. Additæ quoque vaticinationes aliae, in magnis cladibus magna etiam ementienti licentia. Dæmonem humana specie per varias Calabriæ vrbes, ac pagos veluti concionabundum vagari, ac supremum mundi diem denunciare, parente mendacij, tam abstrusæ veritatis præcone. Energumenum præterea exorcismis coactum aperuisse crimina, quibus tanta clades infligitur, eaque publico chirographo consignasse: adiectis minis, nisi resplicant, graniora imminere. Rheygi Deiparæ imaginem exudare visam, sponte humescente vultu; quasi clementiæ parens tantis cladibus illachrymasset. Narrantur etiam, inter tot diuinæ iræ argumenta, alia, quædam eximia benivolentiæ pignora. Redonatam cælo e ruinis, post

4102
tres,

tres, & eò amplius exactos à terræmotu dies, cum filijs duobus mulierem Octauij Parisij sororem, hanc exanimem, illos spirantes, vegetosque; nullo nec doloris, ne famis indicio. Admirabundi, qui aderant, sciscitari quanam vi in terræ cauernis, ac veluti inter sepulchrales tenebras conditi tot diebus sine cibo, potuque traductis, evasissent tam integræ, valentesque. Affirmant illi quotidie iuuenem eleganti aspectu, atque aureo amictu fulgentem apportasse fercula panes, vermiculos farinaceos minutatim concisos, pisces, omnia benè condita; frigidam etiam ad potum: quibus recreati, ac refecti dies, ibi, noctesque nullo cruciatu, nulla fame transegerint. Suspexere omnes diuinæ clementiæ munera: nec dubitatum quin hæc eius Angeli ministerio contingent, qui alterutrum ex ijs custodiendum suscepereat: no-

Daniel. c. 14.

uos Danieles Deo his temporibus excitante, quibus Angeli opera dapes deferrentur ad caueam: intra profundas terræ voraginiæ, pœne Paradisum expertis prope tartara. Nec reticendum, intra Quadragesimales dies non nisi eos cibos aldatos, quibus iuxta Ecclesiæ præscripta, vesci liceret: Angelis ipsis, contra Hæreticorum perfidiam, solemnis ieinnij iura nouo miraculo contestantibus. Hec inde scripta referre libuit; in quibus vera à falsis excernere aliorum est muneris. Nostrum erit, quod superest, adductis iam ijs, quæ ad historiam pertinent, terræmotus eiusdem naturales causas attingere; & iacturæ totius pretium, atque estimatione perpendere. Causa noui terræmotus agnoscitur anni, in quo versamur, pœne prodigiosa siccitas: quæ humore et terræ venis exucto, ingentem spirituum copiam procreauit.

Ari. I. Met.

sum 2. & 2.

met. sum. 3.

cap. 1.

Spiritum appello cum Aristotele, eum halitum, qui ex terra signitur; vaporem, qui ex aqua. Causa utriusque effectrix est calor, is præcipue, qui vi Solis efficitur radiorum repercussu, assultuque ex obiecta mole, siue terræ, siue aquæ. Caloris enim est laxare, ac tenuare partes: quemadmodum frigoris est constipare, & densare. Corpuscula autem terrea, quæ calore rarescunt, dicuntur spiritus, aquæ vaporess. Utique cum tenuitate leuitatem adepta turmatim in sublime tolluntur. Porro e patrijs elati sedibus vapor, & spiritus congregatim per amplissima spatia peregrinantur: neque unquam

con-

consistunt, donec ad secundam vapor, spiritus inter dum ad tertiam aëris regionem euadat. In tres quippe aërem regiones Meteorologi diuidunt, primam, medium, supremā. Suprema regio calidissima, quia igni contermina. media verò frigida, quia & ab igne diffusa, & à calore, quem afflant, dum in terram impingunt, resiliuntque radij. In hac vapor nativo frigori restitutus, nempe aquæ progenies, quæ spissatus opacatur in nubes, quæ mollescens eliquatur in imbræ, quæ rarescens tenuatur in nebulam, quæ disiectus canescit in niuem, quæ rigescens rotundatur in grandinem: ac semper tandem in humorem solitus. aquis redditur, unde manauerat. Spiritus verò, terræ soboles, natura siccior, & ad ignem corripiendum aptissimus, siue materiam nactus exilem, & æquè protensam: ardescere videtur in faculam, siue oblongam, ac tenuem, in stellas cadentes demittitur, syderum speciem ementitus: siue paruam, viscosam, ac facile mobilem, in ignem fatuum desilit: siue multam, olearem, ac solidam in cometam ignescit: ut flamma tremula, tanquam in fausto nutu, Regum fata prænunciet, quæ prænosse intersit orbi terrarum. Nonnunquam verò spiritus vaporibus intermixti, in media aëris regione detenti, prohibentur, nè ad supremam euolent. Tunc quidem, aut à corpore densiore rutsum ad infimam regionem detrusi diffiantur in ventos, pigritiam aëris discussuros, leuaturos æstum, imperaturos Oceano, præbituros commercia omnium gentiū: aut occlusi nubibus circumcursor per latera, si quæ possint erumpere, donec eo allisu flammescant. Tum verò, perrupto obice, reboant in tonitus, coruscant in fulgetra, cupidantur in fulmina: quibus halitus è terra progeniti terram feriunt, velut in parentem iniurij: montibus præcipue infensi, qui primi elato supercilie audent obsistere. Quorsum hæc tendant, & quomodo ex his proximi terræmotns causæ eruantur, ostendam hoc Peripatetico effato. *Eiusdem est Aristot.*

natūræ super terram ventus, in terra terræmotus, in nubibus tonitus. Verba sunt Aristotelis Meteor. 2. sum. 3. c. 2. quæ mirificè rem præsentem declarant. Annus hic apprimè siccus cælo sere semper innubilo, siccus halitus solitò plures creavit, & præditos maiore vi. Nam, ut Aristoteles statuit,

H in

Arist. 2. Met. in siccitatibus spirituofus aer. (hoc ipsum enim est siccitas)
sum. 3. c. 2. quando amplior exhalatio siccata fuerit, quam humida.
 Debuissent hoc anno siccaram exhalationum vi magna edi
 tonitrua: debuisset aer assiduis, validisque ventis perfari.
 contra prorsus ante terræmotum euenit. tempestate siccissima
 rarissimi tonitrus. Plerumque cælum non procellosū,
 non inquietum, non ventosum. Scilicet in tanta aëris trā-
 quillitate procella creabatur sub terris. Clandestinæ strue-
 bantur insidiæ, cum hostis nusquam appareret in acie. Nam
Arist. ibidem. eodem Aristotele teste, causa terræmotus est spiritus, cum
 intro forte fluxerit, qui extra exhalat. Prohibuit hyeme,
 ne suos halitus terra expiraret vis insoliti frigoris: quo vel
 fontanas aquas conglaciatas aspeximus. Obstricti intra se-
 pta spiritus, ac terræ mole cohibiti mussare, fremere, eniti,
 in obductans solum irrumpere, ut erumpant: eo planè modo
 quo supernè intercepti solent nubes elidere. Halitus hoc
 anno non latrocinant sparsim per campos: sed confertim,
 immisere se in cauernas: ut ipsa terræ munimenta; ac velu-
 ti mundi mœnia inuaderent. Pacatum se exhibeat aer, dum
 adoperta bella tumescebant sub caueis. Infida cœli facies
 oculis ad blandiebatur, cum urbium euersiones clam natura
 machinaretur. Nulli ventorum fremitus, ve infremerent
 sola ipsa terrarum: nulli tunc nubium tonitrus, ut tellus to-
Plin. lib. 2. c. 80. naret silente cœlo. Observauit olim hoc Plinius, cum dixit
Arist. loco cit. terræmotus fieri, dum tempestates sibi intunduntur. Sed egregiè,
 vt afflores, Aristoteles fiunt, inquit, tranquillitate plurimi,
 & maximi terræmotus. id circò subdit, terræmotus. qui fiunt
 die, fieri circa meridiem, quia tranquillissima est, ut in plu-
 ribus, diei meridies. Rationem etiam subiicit, quia conti-
 nua existens exhalatio sequitur, ut in pluribus, impetu prin-
 cipij. Quare aut intro simul, aut simul extra, fluit omnis.
 Aut igitur omnis simul exhalatio extra terram tumultuatur
 in aëre; & tunc tonitrus, ac ventos ciet: aut omnis intro,
Arist. ibidem. & tunc exitu intercluso ferocior, ipsa terræ fundamenta cō-
 uellit. Confirmat hoc idem Aristoteles exemplo terræmo-
 tus, qui contigit in Achaia; vbi tranquillitate, inquit, facta,
 & fluente intro vento, factus est terræmotus. Quamobrem,
 cum pluribus hoc anno extiterit ob siccitatem spiritos, nul-
 lus

lus superiore hyeme extra prodierit, nimio terræ meatus ob
struente frigore: omnis intro conclusus, ineunte iam vere,
laxata humo, magno impetu admolitus viam ad auras, ter-
ram quæ concussit, quæ scidit. Concussum terræmotum præ-
stítit, scissio voraginem. Prior oppida, vrbe sive prostra-
uit: posterior hausit, ac sorbuit. Id etiam causæ fuit, cur
sub nascentis terræmotus initia, maris vndæ, vt supra nar-
raui, nullo ventorum impulsu subsilirent ex se se: quia, vt
de euentu consimili tradidit Aristoteles, *mare non dabat per-* *Arist. ibidem.*
stationem impetum facientis sub terra spiritui, sed obstat.
Ex quo id addiscens Plinius, *Terræmotus futuros*, inquit, *Plin. lib. 2.*
nauigantes quoque sentiunt, non dubia conjectura sine flatu *c. 81.*
intumescente fluctu. Huc etiam referri potest maris Panor-
mitani, de qua diximus, inundatio, quod vi spirituum non
longè erumpentium elatæ vndæ superfunderentur litoribus;
vt in ollis evenit, cum aquæ supposito igne despumant. Ita,
inundatione terræmotū sequuta, tradit Seneca Africā ab His- *Sen. Nat. q. li.*
paniæ, Siciliâ ab Italiæ complexu diuulsâ. Hinc etiam factum *6.c.29.*
est, vt in S. Euphemia cäpis paludes, ac lacus accreuerint per
terræ hiatus aquas immittente spiritu. Quod adnotauit etiā
Aristoteles, dum dixit, *factis terræmotibus erupisse aquas.*
Hæc de huius terræmotibus causis breuissime: quādo de ter- *Arist. loco cit.*
ræmotibus vniuersim in nostro de Vesuuiano incêdio nūcio
licuit, nisi res me fallit, non ieunè disslerere. Inuestigatum
haec tenus, cur hoc anno: inuestigandum supereft, cur in hoc
potissimum loco terræmotus obtigerint. Calabria peninsu-
la est, quæ circumfusi maris ex vtroque latere aquis alluitur.
Porro interclusis vbiique spiritibus abundat mare, sicco ha-
litu regnum obtinente inter humida. Non enim falsum ma-
re, quia terræ sudor fit, vt somniauit Empedocles: sed quia
*in mari id, quod est terra humido commixtum, causa false-
dinis est*, vt egregiè docuit Aristoteles. Nempe Solis vi ē
subiecto vndis solo quotidie halitus euocante, & crasso quo-
dam lentore marinis aquis à natura indito terreorum halituū *Arist. 2. Met.*
sum. i. c. 3.
expirationem arcente. Cum igitur hi causa sint terræmo-
tuum, quando acriùs incalescunt, & mare radijs excoctum
solariibus, exhalationibns calidis affluat: loca maritima, &
peninsulæ, quas mare vtrinque proliuit, crebriùs terremotu-

iactantur. Testatur hoc, ut cætera, Aristoteles, qui circa loca, inquit, ubi mare fluxibile est, fortissimi fiunt terræmotus. Ex hoc fonte id haustus Plinius, cum dixit maritima maximè concuti. Idcirco insulæ quoque, si cæteta, adfint paria, terræmotu frequentius agitantur, ut de Cypro, de Tyro, de Ænaria, de Molucis, de insulis, quas vocant tertias, Conimbricenses testantur. De Sicilia, de Æolis, de Eubœa testatur ipse Aristoteles. Peninsulæ verò alio etiam nomine terræmotibus subiacent, quod plerunque oblongæ sint magis, quam latæ. Idcirco angustiorem habent campū, quam ut turba spirituum subterraneis interclusa locis impunè disjici, dissiparique possit. Quamobrem, ut verbis utar.

*Arist. 2. Met. sum 3.c. 2.
Plin. lib. 2.
c. 80.*

*Conimbr. in
Met. tr. 11.
cap 6.
Arist. loco cit.*

Arist. ibidem.

Conimbricenses circa dicta loca terræmotus fiant, maxime propter angustias. Porro Italia peninsulam efficit triplici recinctam mari, Tyrrheno, Adriatico, Ionio. Neapolitanum regnum Italæ pes dicitur. Huius extrema pars Calabria, in quam arctissimè desinit. Quippe Italæ longitudo ad milie, & ducenta millaria tenditur: latitudo quæ maximè patet, adducenta, quæ minimum, ad viginti. Idque in ea Calabriæ ora, ut testatur Plinius, quæ inter Scylletum, & S. Eusemiam, olim oppidum, nunc nudum nomen, interiacet. Altero quidem totius Europæ Isthmo. Italia verò nusquam angustiore, quam in ea sui particula, quam prisci magnam Græciam appellabant. Inter has angustias deprehensi spiritus, qui in terræ penetralibus delitent cum aliò traijcere nequeant, solum aggrediuntur, cui substant. Primo sollicitant, tum quatunt, postremò discindunt: ut aditum sibi ad auras aperiant, per matris vulnera, per funera populorū, per clades urbium. Itaque terræmotus sequuntur in Calabria ob maris viciniam; ac terræ angustias: cum præsertim circumducta sit montibus. Enim uero locis montanis, ut Conimbricenses obseruant, terræmotus infestior, quam planis: quod illa cauernas, & specus condant in gremio, spirituum receptacula. Quamobrem natura Ægyptum, ut ex antiquorum sententiare refert Seneca, è terræmotu exemit: quia in latissimas diffusa planities solum continet non intus excavatum, ac peruum; sed vndique coagmentatum, ac solidum. Porro Calabria plerumque montosa est, ac percauatos

*Plin. lib. 3.
cap. 10.*

*Conimbr. tr.
11. in mat.
c. 6.*

*Sen. Nat. q.
lib. c. 26.*

uatos intorsum recessus domicilia præbet halitibus: quo-
 rum multitudo antris obstricta acres excitat terræmotus: *Criß. loc. cit.*
 Quod nō prætermisit Aristot. dum dixit fortissimos fieri ter-
 ramotus, ubi regio subantroſa, ut circa bellospontū, & circa
 Siciliā. Huc accedit, quod Calabria sulphure, & pice abūdat. *Berr. Antiq.*
 Nā & non procul à Nicastris, & prope Casabonā aquæ fluunt *Calabr. lib. 2.*
 sulphureæ: & pix magna copia è Calabria aportatur ad illi-
 nienda nauigia. Neque ignes subterranei de sunt, quibus
 alimenta præbeat materia sulphurea, & picea: ut perspicue
 ostendit Aethnæ montis in finitima Sicilia, & Vulcaniarum
 insularum vicinitas. Primam verò terræmotum originem
 tribuunt Meteoristæ flammis intra terram conditis. Vbi in-
 numera sunt ignium conceptacula, à quibus dimanant cali-
 di, & siccii igneæ naturæ spiritus. Ex his, dum facto impe-
 tu assurgunt, terræmotus. Quamobrem ex Plinio, non
 aliud est in terra tremor, quam in nube tonitus, flamma
 utrobique inter obstantes aggeres eruptionem tentante. *Plin. lib. 2.*
c. 29.
 Primus omnium docuit id Anaxagoras: sed optimè omnium
 Aristoteles, qui terra, inquit, per se secca à Sole, & ab eo
 qui in ipsa est, igne incandescent, multum quidem extra, mul-
 tum quoque intra spiritum efficit. Et infra. Maxime cor-
 porum motiuus est spiritus. Etenim ignis, quando cum spi-
 ritu fuerit fit flamma, ferturque celeriter, non igitur terra,
 neque aqua causa erit motus: sed spiritus, cum introfluxer-
 it. Præclarè etiam inferius exemplum ex corpore huma-
 no subiicit, in quo bilis ignescens ex febri agitatione pulsū,
 membra tremore concutit. Oportet, inquit, intelligere, si
 sit in corpore nostro, & tremorum, & pulsū causa, est vis
 spiritus, qui intercipitur: sic & in terra spiritum similia fa-
 cere: & hunc quidem terræmotum velut tremorem esse,
 illum autem velut pulsū. Quemadmodum igitur corpori
 humano tremorem inducit febris, ex qua saepe interitus, &
 cinis: ita, quando terræ morbinon defunt sui, tremorem
 illi præstant spiritus ignei, ex quibus urbium funera, & cine-
 res, Ita idem Aristoteles refert in una earum insularum,
 quas in conspectu Calabriæ positas alij Aeolis à ventis, alij
 ab igne Vulcanis appellabant, rupta terra exiuisse spiritum
 multum, & fauillam & cinerem eleuasse: & Lipareorum

Anaxagora
apud Sen. nat.
qu. lib. 6. c. 8.
Arist. loc. cit.

Arist. ibidem

Ciuitatem non longè existentem incinerasse. Idem nunc extium Nicastris contigit, in qua vrbe, uti supra narravimus, terræmotus ædes non tam abreptæ, quam absumptæ immixtos pulueri tumulos cinereos reliquerunt; busta non parvæ vrbis, quæ paruum de sedit in cinerem. Profectò id inter terræmotum, & incendium intereat, quod inter flammam, latentem, & publicam. Concussus, excidia, cineres effecta sunt spirituum igneorum, quos duritie soli coercitos, ut ad superna transmittat, natura è terræ visceribus excutit, non odio quam amore nocentior. Iisdem adscribendus est ignibus color rubeus, quo prope Nicastra fluxisse Lametum fluuium diximus. Nam, quemadmodum pluit aliquando sanguine, quod accidisse M. Aelio, & Caio Portio consulibus refert Plinius: idque tantum in speciem, halitibus igneis magna copia in humorem intrusis, liquidum densioris flammæ ruborem reddentibus: ita nunc diducta in hiatus terra, & spiritus flammeos efferente, cœpere ijs immixta fluuiales aquæ rubescere, admisso intra venas hoste. Inuicta vtrinque violentia: cum neque ignis aquas, nequæ aquæ ignem edomarent: erubescente vitroque, veluti puderet non vincere. Alia quoque ab aquis miracula. Quidam prope Tarentum imminentे iam terræmotu, cum forte ad hauriendam putealem aquam accessisset, illa ad os putei sponte assurrexit, obstupescente homine, & quasi ad excantatos latices proclamaente. Enim uero subiecta flumma, ut in ollis euenerit, exiliebant aquæ in sublime; quasi aduersantis elemēti sedem occupaturæ. Alter sub idem tempus aquam haufit ex inopinato turbidam, & malè olentem: ex qua bene ille odotari poterat terræmotum futurum. Nam hoc, inter cetera eiusdem præfigia, recensentur à Plinio; quod tenuiorum partem spirituum, e sulphureis plerumque venis, per occultos terræ meatus præmittat, quasi leuioris armaturæ equites hostium iter exploraturos. Hinc etiam fabulum, uti supra diximus in lamentino solo præseruidum. Hinc circa Vibonem sulphureus post terræmotum fumus, quotidie ex novo terræ hiatu conuolutus in globos, nouas ibi Tartaro pandente fores, non Cerbero, sed terræmotu adlatrante: ut vel ex hoc appareat non aliud tantæ cladis author, quam ignis.

Hinc

*Plin. lib. 2.
c. 46.*

*Plin. lib. 4.
cap. II.*

Hinc etiam ab ea Vulcania insula, quam Strogolum vocant, fumus prope idem tempus insolens, plusquam Cymmerijs tenebris, obducto per diem Sole. Ingens etiam e montis cacumine obmurmuratio: ut de spiritibus intus occisis Latinus vates cedinerit.

*Illi indignantes magno cum murmure montis.
Circum claustra freminunt.*

Quapropter suspicati non pauci vniuersam hanc totius *Aeneid. x.* Calabrię calamitatem ab hoc uno monte profectam, postrem Vesuuij facinus æmulaute. Nisi quod hic splendidius, & igne aspectabili, quasi tormentis bellicis hostis publicus: ille clandestinis insidijs, per actos introrsum cuniculos, flamma delitescente desequitur, vastitate longè maiore, populorum, atque urbium. Hinc denique in eodem Vesuvio, ut dictum est, eo die colluentes flammę, paruum preteriti incedij simulachrum, tanquam montis minę iterum connitentis, sed exhaustis iam viribus. Ut ex hoc perspicue intelligamus, etiam montes per condita terris itinera, specusque vastissimas sua inire commercia, tanquam diuinę iusticię vindices in improborum scelera, iunctis facibus, exarsuros. Equisdem facile adducor ut credam, clades urbiū tam immanes, stragemque tantam mortalium non sine peculiari diuini numinis nutu contingere: naturam ut administram se gerere, non ut dominam; regi, non regere; satellitium præbete, non iperium. Quocirca præter proximas noctui tetricotus catas iam adductas, superiores alias, altioresque oportet agnoscere, quibus inferiores dicuntur. Hoc solo naturæ magisterio, vel ipsi Ethnici didicerunt, qui terram tremotu, vel exaudito, vel nunciato ferias indice bant in eius Dei cultum, qui terram e suis distractam sedibus dimonisset; Quippe, cum turbam Deorum admitterent, id Dei alicuius vi factum esse pro comperto habebant, cuiusnam, incerti. Quamobrem Gellius veteres, inquit, Romani, ubi terram mouisse senserant, nuntiatumue erat, ferias eius rei causa edicto imperabant: sed Dei nomen cui ferias seruari oporteret, statuere quiescebant quoniam per quem Deorum de arumue terra tremaret, invertum esset. Diuina id quoque testantur oracula, dum terramotum soli Deo tribuunt, qui commo-

uet terram de loco suo , & columnæ eius concotuntur . Pro-
fectò quis credat à spiritu adeo exili , vt aciem oculorum
effugiat , quemadmodùm præclarè perpendit Seneca , iacta-
ri , vibrarique terram cum montibus , magnas cum moeni-
bus urbes , cum totis maria litoribus . Hoc sanè illius vim
indicat , qui ut canit Ecclesia , mundum pugillo continet ; ut
Isaias testatur , appendit tribus digitis molem terra . Egre-
giè rem declarat id , quod S. Antoninus euenisse refert Ty-
roni euidam sui ordinis . Hic , cum toties in hymno Deipa-
ræ versiculum hunc cantitare audiisset , Mundum pugillo
continens , cœpit mira simplicitatis adolescens tacita secum
cogitatione versare , quænam Deo palma esset tam gigantea ,
ut vola clauderet orbem terrarum . Inter eas curas fluctua-
rem animo somnus oppressit . Dormienti visa multitudo
Angelorum innumerabilis ante duas sedes astantium , in qua-
rum altera Christus , in altera è regione Virgo parens con-
federat . Aderant etiam Sancti omnes tanquam metu perfu-
si , atque ad extremum mundi examen vocati . Perlecta
mortaliū criminā ; perlectæ paucorum virtutes . cumque
illa mole longè maiore lancem grauarent , videbatur iratus
iudex orbem terrarum vniuersum , tanquam pilam manu pro-
iijcicere , his vocibus adiectis , cum iudicatur exeat condem-
natus . Tremebundus tyro , nec tam somno sopitus , quam-

JSA. 40.

*S. Anton. in 2.
parte. Hist. tit.
23. cap. 5. §. 1.*

Psalms. 108.

Baron. tit. 9.
Annal. ann.
740.

卷之五

卷之三

sacro, qua sub Leone Isaurico ab immanissimo terræmotu
Bizantij ædibus, & murali corona disiectis, ciues multi Vir-
ginis ope seruati. Libet, ex Monologio Græco, de hoc pau-
ca quædam transcribere. *Vigesimo sexto Octobris die, fa-*
ctus est Constantinopoli ingens, & terribilis terræmotus, q[uod]
omnes domus, & Ecclesiæ conciderunt: multique ruinis op-
pressi sunt mortui. Quare tam terribilis terræmotus me-
moriām recolentes, supplicamus ad magnum, & sacrum
immaculatissimæ Dei genitricis Mariae templum, eam enixè
precantes, & nautum propter nos peccatores Iesum Chri-
stum, ut nos a sua iusta liberet ira, contra nos excitata.
Hæc è Monologio, in quo à Græcis populi cæteri admonen-
tur, vt beneficia tam perspicua annuæ memoriæ consecrèt,
mansura perennius, si agnoscantur. Alter in eadem vrbe
terræmotus priorem æquauit clade, vicit prodigio. Nam
cum aliquando septem, & quinquaginta Constantinopoli
diuulsis turribus, Theodosius cum proclo Patriarcha, & ci-
uibus domicilia, vt fit, traduxisset ad campos: ibique ter-
ramotu vehementius grassante, cuncti ad preces incumbe-
rent, raptus e turba in aërem repente puer, oculisque sub-
ductus. Tum eadem via demissus, Imperatori, & Episco-
po mirabundis narrauit candidè, audiuisse se Angelorum
concentum in has efformatum voces, *Sanctus Deus, San-*
ctus fortis, Sanctus immortalis miserere nobis; addito mo-
nitu, vt ipsi eodem modo concinerent: quo præstito terræ-
motus illico siluit. Hoc sacrum trisagium, comprobante,
postea Concilio Chalcedonensi, ab Ecclesia vniuersa usur-
patum. Ex his liquidò constat terræmotum precibus con-
quiescere, sceleribus excitari. Calamitosi certè sumus: vti-
nam non criminosi. Ferrei extra exemplum, si ad tot Dei
monitus obdurescimus. Enim uero superioribus annis ter-
ramotus occœpere in Calabria, iactato Catacio, non sine
ædium iniuria; luxato Girifalco, non sine voragine. Non
multò post deflexere in Apuliam, vrbe S. Seueri, & oppi-
dis diratis non ignobilibus. Paucis post annis transmisere
Neapolim, comitati Vesuui anum incendium, euersis Her-
culano, & Pompeijs, vexata Neapolii, perturbata Campania,
perterrefacta Italia, metu etiam ultra periculum. Po-
stremò

Marell. in
Chronico Ba-
ron. an. 446.

Concilium
Chalcedon-
se act. Dama-
scen. 3. de fi-
de c. 10.

stremò atrociores remigrauere in Calabriam, iam non pagum, aut urbem, sed integras prouincias depopulati, nondum exaturata clade Adhuc ibidem impunè bacchantur, quidquid primo furori integrum demolituri. Inde corripue-
 re Lucaniam; transauere Tarentum: iamque in ora Salenti-
 na urbem Neritum terra ingenti motu iactatam, postremis
 nuncijs accepimus. Qua regni pars luctu vocat? Clades
 nobis creatur ex clade. Incendium terræmotu, terræmo-
 tu incendio feritur, exitiali quadam fœcunditate. Pleraque;
 regna mars vexat, nostrum pax: & cum externis viribus
 non pateat, in exiguum suum armatur. Infelices nimium,
 quibus ex incolumitate calamitas nascitur. Externa cessant:
 domesticis implicamur. Hostilia patimur sine hoste. Non
 hic somnos inimicæ militum excursiones abrumpunt: non
 instructæ nos acies, non obsidiones urbium, non bombar-
 darum strepitus, non buccinarum clangor exterret: sed in-
 cendia, excidia, ruinæ. Tantum clavis pax attulit, quan-
 tum ne bello quidem timeri potuisset. Bellatur nobiscum
 natura: & ne quid huic bello desit, personat terræ fragor pro-
 tuba. Quos hostium non tetigere tela, hausit metus, hau-
 sit dolor, hausere elementa. Dedimus tragœdiam orbiter-
 rum, deslendam lachrymis seculorum: omni malo vexa-
 ti, nullo perdomiti. Triginta circiter millia hoc terræmo-
 tu interempta. Tanta internicione mortalium diuinæ iræ
 litatum. Non plures iusta acie, iniquo Marte, unico bello,
 pluribus prælijs, cecidissent. Orbat parentibus filij, paren-
 tes filijs: viduati coniugibus coniuges: spoliati superstites
 consanguineis, affinibus, amicis. Nulla poena familia sine
 fletu: ac vere initio, exultante natura, pratis ridentibus,
 lachrymatum. Non hoc extintorum, quem recensui, nu-
 mero eos complector, quos ex terræmotu vel saucios, vel
 bonis omnibus spoliatos aut vulnus, aut ærumna confecit:
 præteritis etiam ijs, quos distracta in campos domo, con-
 tratus morbus sustulit. Minor tamen fuit hominum strages,
 quam pro urbium, atque oppidorum ruina. In Vesuiano
 incendio quinque millia capitum periere, duobus oppidis e-
 uersis, pago uno, vel altero. Nunc deiecta Consentia,
 quassatum Caracium, prouinciarum metropoles, absumptū

Nica-

Nicastrum, Calabriæ ornamentum, ac gemmula; deleta
 Murgantia, afflictum Miletum, Térina semiruta. Messana,
 Roscianum, Besidiæ, Tropiana, Medama non sine querela.
 Rhegium, Locri, Tarentum, Maratea, Neritum periculo
 affinia. Neapolis, si minus ruina, certè oppressa metu.
 Has decem, & septem vrbes terræmotus inuasit; multas
 ex parte, quasdam funditus diruit: & mœnia, inter tot secu-
 lorum obsidiones intacta, vnico afflatu expugnauit. His
 adiace oppida, pagosque, qui partim ingentem perniciem,
 partim integrum ruinam perpeſi ſupputantur ſeptuaginta,
 & eō amplius. Ex his facile inferre licet, terræmotum hunc
 collocandum esse inter maximos. Etenim Plinius diligen-
 tissimus antiquitatis scrutator. *Maximus*, inquit, *terræ*
mortalium memoriæ extit motus, Tiberij Cæſaris principa-
tu: duodecim urbibus Asie una nocte prostratis. Nunc ve-
 rò deiectæ, ac detritæ vrbes non minus, quam duodecim; si
 addas oppida vrbes æquantia. Pagi, villæ, turres ſive rura-
 les, ſive litorales extra numerum. Evidem non infior
 terræmotum, quo sub Tiberij fascibus, Christo morienti
 tellus indoluit, iure à Plinio omnis memoriæ maximum re-
 censeri, non clade, ſed mole. Quippe non vnius, ant alte-
 riū regni conclusus finibus totum concuſſit orbem terrarū;
 vt totus ſui authoris interitum perſenticeret: diſciffis etiam
 montibus, quaſi comam capitis ad luctum dilacerante natu-
 ra. Quocirca exaggeratè admodum ſcribit Orosius, terræ-
 motum ſub Valentiniano vbiique locorum terra, marique
 graſſatum. Nam cordatè captus oculis, ſed ſapientiam planè
 lyncea Didymus, terræmotus, inquit, ſæpe fiunt in terris. Verū
 qui ante, vel post Christū extiterunt, partē quandā terra oc-
 cuparunt. Mei autem Christi tēpore nō priuatus fuit aliquis
 terræmotus, ſed tota ipſa terra quaſſata eſt, & e centro con-
 uulsa. Cæterū Christi obitu reparante orbem terrarum,
 non deuastante, clades tanta fuic, quanta par foret myſte-
 rio: duodecim urbibus Asie, in qua maximè Ethnica ſuper-
 ſtitio vigebatur, prostratis; vt totidem Apostoli ad Ecclesiæ
 Christianæ ſtructuram erigerentur. Inter eos verò terræ-
 motus, qui intra naturæ leges, extra miraculum poſti na-
 turales cauſas agnoscunt, hunc, de quo ſcribimus, vix ab

Plin. lib. 2.
c. 84.

Orosius lib. 7.
c. 31.

Didym. in
cat. pp.
lob. 9.

alio

alio quopiam superari crediderim, immanitate, amplitudine, diuturnitate. Immanitas perspicue ostenditur testimonio Senecæ qui terræ, inquit, *vix unquā tam grauis, aut perniciosa motus fuit, ut tota oppida euerteret.* Nunc eversæ tres urbes, plura oppida pagi plurimi: duæ prouinciae deuastate: trahente momento tēporis seculorū excidia. Nulla tam perniciosa calamitas, ex quā nihil alteri calamitati supersit. Terræmotus hic, quā sœwijt, poene nihil alteri dilacerandū reliquit. Nec verò quidpiā desuit, quod atrocitati seruiret. Mons fractus Consentia: maris decessio in Napitia: procella Panormi, terræ hiatus in Sciliano: aquæ superflusæ agro Lametino: famei globi erumpentes Vibone, flammæ exardescentes in Vesuvio: cineres effusi Nicastris, amnis sanguineus prope Nicastra. Non hic prætermitteudum censeo, quod retulit, dum hæc scriberem, Sacerdos è Franciscana familia spectatissimæ fidei nuper profectus è Calabria, propiorum periculo, quam qui perierant: visum, intremisse te tellure, retrorsum labi Lametum fluuium, retractis aquis, retorto cursu, quasi territus fugeret: tum elatis vndis, amne campis refuso bullientes pluribus in locis vortices corrotasse, & fremitu, & æstu planè marino. Nihil iam ostentosum superest, quod hic naturæ ira suppresserit. Nihil relicta famæ mendacijs. Nihil ipsæ fabulæ poetarum fingere, aut excogitare possunt atrocius. Amplitudinem proximi terræmotus metiri possumus locorum spatijs, quæ longè, latèque complexus obtinuit. Gemina Calabria occupata. Prouticia præterea tentatæ tres, ora Salentina, Lucania, Campania. A Rhegino litore, quod abest octo dierum itihere, Neapolim usque perductus urbem regiam inuasit. Neque unico regno contentus, superatis freti fauibus, Messanam perstrinxit. Demum, dum adhuc prouinciales hi terræmotus grassarentur in Calabria, inter tot marium, terrarumque tractus, infestatæ Senæ, urbs Hetruriæ florentissima, adiecit ad reliquam Italiam veluti minacibus nuncijs. Terræ,

Seneca lib. 6. inquit Seneca, non unquam per ducenta millaria motus nat. question. extenditur. Hic ab extrema Catabriæ ora usque Neapolim plusquam trecenta passuum millia tenuit. Ex quo perspicue cap. 25. constat non potuisse in locis tam dissitis terram intremere,

con-

contextu quodam, nexoque partium, & ut loquuntur Philosophi, per consensum: sed ubique concussam vi spirituum sublatentium, iactatione quam maiore, quam minore, pro habitatuum copia, & subterraneis angustijs: eruptione pluribus in locis tentata, in plerisque conatu inani, distractis viribus. Amplitudini par diurnitas, ne clades magis locorum spatij laxaretur, quam temporis. Enim uero duobus iam exatis mensibus, adhuc terramotum per interualla sequire quotidianae litterae perferunt. In eunte Iunio congerminatus primus similis terramotus: nisi quod huic parem diruendi materiam ruinæ ipsæ subtraxerant. Sub ortum Solis, primo radiorum appulsi excitati spiritus, euocatique ad superna cœpero denuo terram impetere, ac veluti admotis machinis arietare. Præmissus hic maioris cladi prænuncius, ut opportunè sibi fuga quisq; consuleret, impleto Davidis oraculo, dedisti metuentibus te significationem, ut fugiant a facie arcus. Hora imminebat quarta supra decimam, cum incandescente iam Sole, quasi tunc quoque iræ calescerent, habitus maiore impetu soli duritiem adorti, terramotum edidere in vniuersa Calabria adeo ingentem, ut iterum omnia late loca Neapolim usque peruerserit: quanquam id sparsim raptimque, deferuente per interualla sequitur. Catacum in primis, Consentiamque pessimum dedit, odio in metropoles infestiore. Catacij, quod supererat Episcopalis templi, Consentiae, quod steterat regiae arcis deiecit. Utrobiique aedes reliquæ concussæ labant, quantum conjectura assequi possumus, primo aggressu labefactandæ. Besidiæ, & Patycos modice prius attacta detrimentum feruntur nun pastra non modicum. Sanctæ Seuerinæ mons in enormem hiatum abscessit. Petilia, & Casabona plane deturbata, atque euersa. Oppida his minora, vicique inolescente malo non numerantur in clade. Iam instantato ubique metu, denuo deserta recta, remeatumque ad campos. Quippe veluti fatali quodam instinctu, tunc maxime ad terræ gremium confugimus, cum nos tellus exagit: quasi parentem agnoscamus, dum punit. Sed profectò, ut cœpero res labi, plane ruunt. nempe id ansam dedit Uticensi classi, ut Medamæ litora inuaderet, ijs in seruitutem abductis, quos tellus excusserat in oras barbaras

barbaras amandados. Nunciatum etiam è citeriore Calabria in agro Nuceriano pluisse grandinibus tantæ molis, ut duarum librarum pondus explerent, quibus animantes non paucæ sub Dio exanimatae, quasi lapidatum esset de celo. Grandines quoque visas subuirides, veluti spem facerent melioris fortunæ. Quanquam, si rationes expendimus, spes in metum euadit: neque alia spes affulget; nisi de qua poeta,

Aeneid. 4.

Hunc ego si potui tantum sperare dolorem.

Arist. 2. Met. sum. 3. e. 2. Desperanda vicina quies: mali speranda diuturnitas. Etenim Aristoteles ita pronunciat. Cum fortis, factus fuerit terræmotus, non mox, neque¹, neque ad semel cessat agitans: sed primò quidem usque ad quadraginta dies agitat: posterius autem, & ad unum, & ad duos annos dominatur, secundū eadem loca. Elapsi iam quadraginta dies annum, aut bennalem terræmotum prænunciant. Quid non pertimiscendum ab annis, quando fuit adeo exitialis diecula? Instaurata sæpiissime soli iactatio vires indicat hostium adhuc integras; grauemque esse terræ gremium halitibus, quos ipsa in suum gignit exitium. Abditum in humo malum, atque altè in visceribus ipsis infixum, Quippe in Calabria, vt dicimus, rupes præalta natura est: infra quas cauerant, & voragini, halituum non tam aulae, quam carceres. Horum, dum à claustris resiliunt, alias laetus compagibus tellus egerit, alias frustra connixos retrudic. qui, dum tentant exitum, nouo solum oblectans concussucent. Creberrimus, teste Plinio, Punico bello terræmotus, intra eundem annum, septies, atque quinquages nunciatus Romam. Nunc nunciatus intra diem quater, & vicies: intra mensem non minus, quam centies, obfirmata indoli, hinc halituū pertinacia, pugna toties cessante, toties reparata. Ex his persuasum, vt reor, quod suadendum proposui, terræmotum hunc, quo de agimus, siue atrocitate cladis, siue amplitudine locorum, siue diuturnitate temporis reponendum esse inter maximos. Quod si inter maximos, numquid non inter magnos? Si inter magnos, vtique inter eos, de quibus dictum est, Erunt terræmotus magni per loca, & pestilentiae, & fames. Rogandum profectò diuinum Numen, ne terræmotum fames, & pestilentia excipiant. Nam ferreum ad

Plin. lib. 2. c. 83.

Luc. 21.

ad imbres cælum, & siccii halitus adurunt exuccam egerem: motuque terra crebro in hiatus diducta, Mephitim teterri-
mam, ac spiritus graueolentes exhalat. Quippe qui ducunt eluum ex occulto. Quamobrem id animaduerrens Sene-
ca, Solet, inquit, post magnos terrarum motus pestilentia fieri. Nec id mirum est. Multa enim mortifera in alto la-
tent: & aer ipse corruptus internorum ignium vitio, cum
longo situ emissus, purum hunc, liquidumque maculat, ac
polluit: insuetusque ducentibus spiritum affert noua mor-
borum genera. Hæc Seneca. Nos verò mittamus omina
calamitatis futuræ, quam Numen iratum minatur, placa-
tum auertet: & quod reliquum est, ruinæ totius, quād prä-
sens clades intulit, pretrum expendamus. Hoc ut prästetur
exactius, neque ingratum, vt arbitror, neque abs re erit,
Calabriæ totius, vnde damni æstimatio petenda est, situm
magnitudinem, emolumenta breui narratione percurrendo.

Calabria, olim Messapia e Solino, Ausonia ex Catone, siue ab antiquioribus Calabris, qui vt Ptolemus testatur, in Salentino litore mare Ionium incolebant, siue a Calauria Argolici sinus insula, vt refert Ortelius, Demosthenis interitu nobili; siue à soli vbertate, vt Leandro, & Barrio placet, Græcarum vocum καλάρις coniunctione appellationem fortita, gemino circumfusa mari, Tyrrheno, & Ionio, ab oriente Salentinos, & Græciam spectat, stirpem antiqui nominis; ab occidente Neapolim: quā ad Aquilonem vergit, Lucaniæ necritur: quā ad meridiem obuoluitur, per angusto discissa freto, Siciliam veluti discedentem prosequitur, ultimo Italiae fluctu, Demum quā mare procurrit longius, Africam prospicit, extremo Europæ litore. Longitudo non à Talao, vt Barrius, sed vt Ortelius, & alij à Lao fluvio, qui Calabriam à Lucania dirimit, vsque ad Leucopetram centum octoginta millibus passuum tenditur. Latitudo maxi-
ma septuaginta; minima viginti milliaribus constat. Prior ab urbe Terina ad Lacinium promontorium: posterior ab antiqua Lametia, Scylletium vsque perducta: vbi vicino fretu Isthmus adiungitur. Totus verò regionis ambitus septingenta, triginta millia passuum continet; inter magnæ prouinciaz, regnique amplitudinem, sed regno propior. Ca-
labriæ

Seneca lib. 6.
natur. q. c. 27.

Solinus cato.
Ptolemeus.
Ortel. in The-
sauro Geogra-
ph. Leand. in
descript.
Ital. regione. 7
Barr. de An-
tiquit. Calab.
lib. 1.

Barr. ibidem.
Ortel. & Leand.
dr. locis citat.
Leucopetra,
nunc Capo di
Sparte vento
ex Leand.
Terina, nunc
Mantia ex
Nigro apud

Orrelium. labriæ fines vteriis Maginus, & alij porrigunt: qui Tarens
 Pametia, nūc tum inter Calabriæ vrbes recensent. Siue quia confundunt
 S. Eufemia eum Calabria magnam Græciam, quæ ex ea parte patet la-
 Magin. in tiūs: siue quia, teste Plinio, à priscis Calabriæ nomen acce-
 Georg. pit peninsula illa, quæ Tarento Brundusium dicitur: Quod
 Ptol. descrip. pollea nomen à Salentinis relictum ad oram conterminam,
 & ramel. in traductum est. Quanto in honore regio hæc apud reges fue-
 Tertull. de rit, illud argumento est, quod futurus Regni hæres Dux Ca-
 pallio n. 55. labriæ vocabatur: quasi hoc nomine sceptra præciperet, Cæ-
 Clauer. intro. sar imperio destinatus. Præludebat ille regno administratio-
 in Georg. lib. 3 ne Calabriæ. Quippe vrbes complectitur sex, & viginti;
 c. 29. quatuor Archiepiscopali, cæteras episcopali insula ornatas.
 Plin. lib. 3. Oppida, pagique pene numerum fugiunt: tanta vicinitate,
 cap. II. ac frequentia, ut continentem vastissimæ vrbis speciem
 Trogus. An. præbeant, quæ rura, villasque concludat. Porro Calabria
 nous. est omnis diuisa in prouincias duas: quarum altera Brutios,
 Dionysius altera magnam Græciam continet. Illi ita dicti, siue à Bru-
 Afer. tia scemina, cuius opera primam arcem cœperunt, ut refert
 Polybius. Trogus: siue à Bruto eximiæ virtutis viro, ut placet Annio:
 Strabo. siue à Bretio Herculis filio, à quo exædificata Brutiorum
 Cassiod. in Ep. caput Consentia, ut in Dionysio Afro legitur: ideo Bretij
 l. 12. ab alijs, & tota regio à Polybio Brettania dicitur; siue deniq;
 Plin. lib. 3. ad contumeliam, odio Lucanorū, quibuscum bella gesserant,
 c. 10. ut vult Strabo: tanta sententiarum varietate suum cuique
 Ioseph. lib. 2. permittente arbitratum. Magnam verò Græciam appella-
 antiqu. c. 11. runt Coloniae à Græcia deductæ, ad quam Calabria ex eo la-
 tere obuertitur. Principes hic à Græcis exædificatae vrbes.
 Nam Scylletium ab Ulysse conditum refert Cassiodorus, suæ
 fortasse Ithacæ nidulum, ac rupes perofo: ab Atheniensibus
 affirmat Plinius, à quibus, & nomen acceperit. Rhe-
 gium extructum à Chalcidensibus Solinus, & Strabo tradūt.
 Quamvis verò antiquorem eius originem Iosephus referat
 in Asthenegum filium Gomer, Noe ab nepotem: tamen Rhe-
 gium à Grecis, hoc nomen obtinuisse idem testatur. Cum
 Gomer, inquit, haberet tres filios, Asthenegus quidem Ast-
 henegos instituit; qui nunc Reginum vocatur à Græcis. Ex
 quo coniectare licet Coloniam eò deriuatam Græcorum:
 Reginum autem dictum, ut Trogo placet, à Græco verbo

ΕΙΓΑΛΙ

Si vnu, quod à Trinacia discissum: postea Rhegium Iuliū, quod post terræmotus ruinam à Julio Cæsare instauratum. Sybarim à Sagari Aiacis filio, non multò post Troiæ excidium, excitatam narrat Solinus: tanta felicitate, ut mox sibi vrbes quinque, & viginti bello Sybaritæ subiecerint. Tū, præcoce fortuna irritante finitos, à Crotoniensibus domiti, euerisque. Ex eius reliquijs conditum Thurium, hodie vulgò Terranona. Petilia à Philocteta Herculis comite extorta. Quamobrem Mantuanus vates,

*Barrius de
Antiq. Calab.
lib. 6.*

Parua Philoctetæ subnixa Petilia muro.

sive sit vrbs illa, quam nunc Belcastrum appellant, vt contendit Leander, sive Policastrum, vt Barrius, sive Strongolis, vt alij. Locri etiam Græcos conditores agnoscunt, vel Euantem, vt Eustachius; vel Aiacem, vt Solinus affirmat: religione fortasse quadam nouas vrbes emolientibus ijs ipsis, qui paulò ante Troiam euerterant. Trischene, nunc Taberna, ipso vocabulo præfert Græciam, à tribus tabernaculis dicta, quod olim eius vrbis Episcopus triplici in templo per vices sacra perageret. Crotonem quoque à Græcis positam omnes tradunt. Incertum an ab ijs eò tempestate delatis, vt ex Antiocho narrat Strabo; Achiuis mulieribus, quibus iter cœperat esse fastidio, ibi sedem poscentibus: an, vt Pythagoræ placet, à Thebano Hercule etiam Græco, & Græcis fabulis inclito. Qui nomen Herculeo quoque promontorio fecit; quod à Sicilia distractum duo inter se commisit maria. Græciam olet illa iactatio, quod Milo Crotoniates virium fuerit tam immanum, vt columnam, quæ ædificium nitebatur, dum rueret, manu inhibitam sustentauerit: donec, qui suberant, omnes effugerent. Sampson planè alter, nisi quod columnam ille dimouit, iste detinuit. Sed Græcam vrbum perspicuè commonstrat Pythagoræ Samij domicilium, qui toto pœne terrarum orbe peregrinatus, tandem Crotone confedit. vbi de mundi ortu, concentuque differuit; atque in Italiam primus, Augustino teste, Philosophiam inuexit: cum nondum aut Platonice porticus, aut Peripatetica lycea celebrarentur in Græcia. Ad hunc audiendum, vt narrat Laerius, vndique Itali reliqui, Romani præcipue confluabant: eiisque præceptis imbutum Roma-

*Leander loco
citato.*

Barr. lib. 2.

*Eustachius
Solinus.*

Barr. lib. 4.

Strabo.

Pythagor.

apud Barr.

loci cit.

*Leand. de re
scrip. Ital.*

reg. 7.

*August. lib. 8
de Civitate
c. 9.*

*Laert. in vi-
ta Pythag.*

Hieronymus contra Iou. n. norum Regem sapientissimum Numam trādit Hieronymus. Ostentantur adhuc prope Crotonem à Pythagora erectæ in litore columnæ duæ, imitatione quadam Herculei monimēti ad Gaditanum fretum; quasi Pythagorica doctrinæ metæ, ultra quas nemo posset excurrere. Crotoni potissimum adscriendum, quod ad Græciæ Calabria magnæ quoque appellationem adiungerit. Hic Orpheus poëta, qui Argonauticam cecinit: hic Alcmæus, qui omnigenam de natura, scripsit historiam: hic Arignotus Philosophus, qui sacri agnomen obtinuit: hic Philolaus Pythagoreus: hic denique, vt in Timæo testatur Plato, omnes bonarum artium disciplinæ, veluti Athenis in alteris, floruere. Nec defuere Calabriæ viri eximia sanctitate clarissimi, Inter quos antiquissimæ memoriarum Nilus Abbas, recentioris Franciscus, minimorum maximus institutor, nouus apud Italos Thaumaturgus: hoc discrimine, quod is montem precibus mobilem, hic transmissò pedibus freto, mare immobile præstítit. Eruditè non minùs, quam accurate virorum illustrium, quos ea regio genuit, longum texit catalogum Gabriel Barrius in libro, quem inscripsit de antiquitate Calabriæ. Cæterū gens plerumque ingenio feruido, callido, & ad omnem disciplinam versatili: apud exteròs popularium amantissimi, in patria æmuli, & rixosi. Cæli apud eos iucunda, salubrisque temperies, vergens tamen ad calidam: nisi aestiuo tempore statis quotidie reflantes horis fauonij, euentilato saére, Solis seruorem obtunderent. Nihil regione tota, siue ad delicias amoenius, siue ad vbertatem feracius, siue ad omnem humanae vitæ usum accommodatus. Amoenitatem aspectu præferunt montes, quibus ex utroque Calabria latere, substrato imminet mari, an spectanda, an spectatrix. Hi eius Apennini sunt partes, qui protensus ab Alpibus catenata serie, nexusque cacuminum Italiæ dorsum discriminat: atque in Calabriam ductus interdum in editissimas rupes, atque in altissima surgit fastigia. plerumque vero lenibus iugis in colles moliter acclives demittitur: quos perenni viriditate cōuestit, plerisque arborum intacta coma hyeme ver exhibentibus. Inter Calabriæ montes eminet Sila, syluam ducentorum millium passuum ambitu attollens, intonsis illicibus, pinisque

Barr. in calce libri.

Plato in Timæo.

*Barr. lib. 4.
Leand. loc. cit.*

nisque condensam. Quæ ramis multa fronde comancibus,
atque inter se caelo consortis, umbra tertiis diffusa, viatores
velut de industria protegit: ita ut Consentia Catacium integrum
diei vnius iter aestate media confici possit, arboribus
veluti hastatis æstum, ac solem arcentibus. Hyeme vero
mons idem nemus Hercinium, aut Caledonium æmulatus,
anni canescencem senectam ingenti hissum pondere sustinet
mox brumali asperitate in summis caloribus ad voluptatem
trahenda. Hinc præualida tristes ad construendas nauium
arbores, ut ijs mare statum syluecat. Hinc ad usum no-
turni luminis tedæ, flamma parabili, & cereas faculas imi-
tante. Hinc denique immensa vis picis ad conglutinanda
sive solaria, sive nauigia: illa ne imbris pateant, hæc ne
fluctibus. Hanc vtpore odoratam, resinosa, rutilam, at-
que ad medicam etiam utilissimam commendant Dioscorides,
& Galenus. In cacumine latissima pecori pascua: quod abi-
gendum à pastu, ne satietas perimat. Causa fertilitatis est
humor, cum ubique fontes subsiliant. Qui primò argenteis
dicuntur per fibras arborum riuis, dein etiam in ingentes
amnes exuberant. Hanc laudem tota regio vendicat;
quam & fontanæ, & fluuiales aquæ rigant. Principes in-
Calabria citeriore fluij Busentum, & Crates. Ille, quem
alij Basentum, alij Casuentum, alij Barentinum vocant,
ab impositis Consentiae iugis excurrens, persubiectas rupes
ad meridiem obuersas, ingenti strepitu præcipites aquas
euoluit. Tum in planitiem effusus, & crebris subinde cur-
uatus flexibus, non uno tramite circumiectis campis illabi-
tur. Demum, magno amnis utriusque fremitu, Crates ad
mare decursurum intercipit: eoque quasi catenatum perdu-
cit, & alueo spoliatum, & nomine: in supplicium fortasse, *Paulus Diae.*
quod Alarici Gothorum Regis thesauros, cum eiusdem ca-
dauere contumulatos, adhuc & arena celat, & gurgite. *lib. 13. hist.*
Crates, quinto ab urbe Consentia lapide, refudante humo-
scatebram exilit: obscuris inter Silæ umbras natalibus, ob-
scuri etiam nominis, dum suas dumtaxat aquas vehit. Sed
magnorum montium iugis delapsus, nouo semper latice-
ditior, paulatim è fonte succrescit in fluum. Et iam iusto
alueo, gemina ripa coercitus, Consentinum agrum recto am-

*Barr. lib. 2.**Dioscor. lib. 12.
Galen. Anti-
dot. lib. 8.**Ortel. in The-
sauro Geogr.**Sabell. Enne.
7. lib. 9.*

ne perstringit, Consentiam, sub augustissimi pontis fornici-
bus, magno murmure præteriectus. Dein Busento, alijsque
inclytis amnibus, quasi ex inasperato in eiusdem os influen-
tibus, longo viarum ambitu, elatis cornibus, in magnam
Graciam inuehitur: vnde fluctus à marinis haud longè ab-
horrentes in craterem Tarentini sinus exonerat. Fama
vtrique fluo eximia, quod Crates flauum colorem, Busen-
tus capillo nigrum impertiat: illius apud fœminas, huius lau-
de apud viros. Secundum hos celebratur Exarus, quia ex
Apennini fonte prorumpens, per amplissima terrarum spatia,
ad Sybarim usque decurrit: cum quo sociatis aquis, uterque
mari confunditur. His adiungitur Acheron: qui ad montis
radices innascitur, prope antiquæ Pandosij monumenta,
olim ænigmate Delphici oraculi, & cæde Alexandri Epi-
tarum Regis, qui Calabriam invaserat, nobilitatus. Hic
Altiliam inter, & Murgantiam in abditissimas valles ingenti
mole deuenctus, magnam soli partem exorberet, ac nullo aqua-
rum diuortio iter, quod coepit, percurrens, in altera Cala-
briæ ora ad Ionium mare demittitur. Eius fluminis accolæ
Acheruntini dicebantur, ex Plinio: nunc ijs ex terræ hiatu
Plin. lib. 3. c. 3. altero patefacto Acheronte. Nobiles in ulteriore Calabria
fluij Neætus, & Sybaris, ab eodem Plinio primi in secun-
Plin. ibidem
cap. 1. do Europæ sinu collocati, ille prope Crotoneum, hic prope
antiquam Sybarim, quæ ab anni mutuata est nomen: ille
verò à Sybari fonte in Achaia, à quo Sybari Calabro deri-
uatum nomen tradit Strabo. Præstant quoque copia, & al-
titudine aquarum Alis, & Angitula. Alis prope Catacium
e cacumine montis elapsus, ac longo tractu ultra patrios fi-
nes euentus, stipendiarias, aquas, non Ionio, aut Tyrrhe-
no, conterminis Calabriæ maribus, sed Adriatico destinat.
Strabo lib. 8. Angitula fluit non longè ab antiqua Vibone, inter amoenissimos
campos, & prata semper vernantia. Amœnitas loci
Evar. lib. 2. locum fecit poetarum mendacio, Proserpinam eò e Trinacria delatam, ut coronas puella sibi floreas texeret. Cum his
ad numero Lametu amnē, Lametia nunc ad superioris Cala-
briæ magistratū adscita. Hic prope Nicastra, modo contineti
cursu rapidus fertur: modo axis sub latēsibus elisus volunta-
tur in spumas quæ torrens, quæ fractus. Nomen ab hoc, & op-
pido

pido factū, & litorī: quem sinum Lameticū Aristot. appellat. *Ariost. 2. Pet.*
 Præter hos, Crotalus fluuius, quē inter nauigabiles collocat *cap. 10. Plin.*
 Plinius. Alex Straboni celebris e cicadarum in vtraque ripa
 in æquali stridore, quod in altera ferore Solis reddantur vo-
 caliores. Luconus Crotoneñsium, & Locrensiū pugna-
 memoratus Trog. His adde Acrin, Tacinam, Metaurum,
 Syrim, Basentum: quem fluuium falsò aliqui cum Busento
 confundunt, vt animaduertit Leander. Hi, alijque obscu-
 riores & estate vadari vix possunt. hyeme verò, cum è mon-
 tibus eluusionem acceperint, ne ab equite quidem sine di-
 scrimine. Nec raro infeliciter lapsos amnis præterfluens ab-
 ripit, hauritque. Cæterum magna ex ijs voluptas, cum
 partim in xistos, ac topiaria buxo, myrtoque consita, cor-
 triuatis per tortuosos anfractus riuulis, visuntur clementif-
 simè serpere: partim per crepidines montium; vallumque
 secessus obmurmurant: umbrosis hinc, inde ilicibus, cur-
 uato fastigio, in vitrea se se vnda spectantibus, quasi consi-
 lium formæ capturis, congerminato intra amnem nemore.
 Nec suæ arenis desunt aquæ. Quæ passim manant per litora
 gelidæ, & dulces; compleætente salo fonticulos, non violan-
 te dulcedinem. Hæ cymbis litoralem oram radentibus pla-
 cidum præbent iter. Tum etiam præstant turres identi-
 dem, non plusquam sex mille passuum interuallo, dispositæ:
 ijs præsertim locis, quibus conditi introrsum sinus pyratis
 commodant latebram. Quos, cum sublato igne detexerint,
 bombardæ ictu propellunt, fulmine fulgurationem sequuto.
 Litora quoque sub turribus non raro portuosa, accessu na-
 vigiorum facili. Neque hæc aut scopolis infida latentibus, aut
 præruptis aspera: sed toto fermè Calabriæ sinu tam benignè
 fluctus excipiunt, vt altero liceat vndam remo, altero arenā
 proscindere. Offerunt se nauigantium oculis pagi, castella,
 vrbes montium dorsis impositæ; aspectabili quadam naturæ
 pompa, ac veluti theatali. Discriminantur hæc villis, præ-
 dijs, viridarijs: quæ omni pomorū genere abudant, eximij suc-
 ci, & saporis ostentantur passim mala citria, medica, aurantia
 in auri specie pendula. Hortis Hesperidum hic exhibitis: nisi
 quod hi draconे carent, nō mediocri regionis laude à ferarū
 innocentia. Inter mala limonia regnum Reginæ obtinent.

E quibus alia mole præstant: alia femine in varias figuræ flexili, pyra, pruna, aliaq; id generis poma ementiuntur: quasi iocante, atque oculis illudente natura. Cortice etiam dulcissimo vestiuntur aurantia, pro integumento, pro dape. Vineta quoque cernuntur latè apricantia: vitesque modici hominis altitudine à terræ vberè non diuulsæ, luxuriantes vbertim pampinos fundunt innuptæ, nullo, vt in Campania, maritali populorum amplexu. Interdum etiam trabibus adminiculatæ subdiales pergulis in ambulationes opacæ, mollius inter vmbras excepto Sole. Vuas gignunt quæ rubentes, quæ subalbidas, acino prægrandi, succoso, percocto, duracino, odorato; an ad esū, an ad potū suauiores ambiguū. Præcipua laus vinis, quæ subflavi coloris, atque auro perlato similis, siue cirella vocant à Cerillis, vico Straboni noto, siue clarella apud exteris quoque clarissima. Hæc ita ferunt aquam, vt etiam mare integrum ferant: per quod transfœcta, & robore accrescunt, & pretio. Nec secunda nobilitas Blandæ vinis, quæ tum palato, tum oculis blandiuntur. Nec minor authoritas vernaticis S. Lucidi: quæ parciōs hausta vires largissimè reparant. Ab his dignatio vinis Treuijs prope Agitulam. Honos etiam expressis prelo Cōsentino, & Tempiano, quæ laudantur à Plinio. Neque verò segeti terra humorem denegat, quem arboribus sufficit. Nam & copiosè herbescit ad pascua: & flauentibus hordei, frumentique spicis latissimè turgescit ad horrea: vt prope Crotonem Appulos in Calabria campos non desideres. Olei, olearumque felicitas, vt Salentinis loco finitima, ita & vberitate affinis. Butiri, lactis, casei tanta copia, quantum præstant opimis gregibus herbosa collum pabula; nutriendis etiam equorum armentis aptissima. E quibus Besiadarum nota insignes cum Thessalis & cursu certarent, & forma. Syluę quoque vtriusque Calabrię dulcescunt in saccara, nobilissima gulæ irritamenta: tricliniorum luxu, Regumque delicijs ex una quæsitis arundine. Nec minor à sale vtilitas, sine quo insulsa fercula, & ne ipse quidem sapor est sapidus. Quippe dulcia solent esse fastidio, nisi quid acris admisceant. Præter factitium in salinis, montes quoque Calebri prope Altomontem obrigescunt in salem, reclamante nequicquam apud

Strabo lib 6.

Blanda, nunc
Beluedere.

apud Gallos Hilario , nullum terrae sal reperiiri . Adnume- Henric. Bac-
rari poterat inter Pliniana mendacia , flumina salis ostentari chus in de-
apud Caspios , nisi , salis montis extarent hic apud Calabros . script. Regni.
Sal his natura prodegit , sapientiae simulachrum . Vna Lothi Hir. in Matt.
coniugis post incendium , quinquaginta post ingentem ter- can. 9.
tremotum in Noricis statuæ salis repertæ , documenta poste- Plin. lib. 31.
ris , ut post supplicia saperent . Litora vtriusque oræ piscofa: c. 7.
& tynnorum præcipue captu circa Napitiam , ut animad- Genes. 19.
uertit Leander , insignia . Quippe in æstiuis caloribus gre- Theatrum
gatim eò ex Africa innantes , ferreis inter vndas concame- vita human.
tatis retibus , Delphino & præunte , & prodente stringuntur . vol. 2. l. 7.
Vbi magnitudinis immanis belluæ piscatorijs hastis confos- Leand. loc. cit.
sæ , cruentatis purpurea tempestate fluctibus , prædam præ-
bent ingentem , futuram Italæ toti dapem ad falsamenta
lectissimam . Terra lini , cannabis , goffipijque ferax , ut
Leander , & Maginus testantur . Vermiculi etiam pretiosi .
Nam bombices euiscerantur in sericum , dum tenuissimo in- Leander. in
uoluti orbiculo nobilem ipsi sibi texunt interitum . Mox descrip. Ital.
alio , ut Tertullianus loquitur , nouo animata iam stamine , Reg. 7. Magin
furgunt tanquam parui Phœnices e suo funere rediuiui: in Georg. Ptole.
præmium , credo , quod inde splendor sacris vestibus , atque descript. 14.
aris accrescat . Hinc in templis , hinc in rectis pompa pa- Tertull. de
rietur : hinc aulæa , opere Belgico , sericis filis , auroque du- Pallio.
&culi atrecta : ut magnificentius ex auro spirent , mollius e
serico ducantur imagines . Ex hac deinde textrina , nullo
nobilium , plebisque discrimine , tota pœne Italia sericata
vnius bestiolæ labore vestitur . Idque tanto Calabriæ em-
lumento , ut vestigales anni huius census locati sint numis
aureis quinque millibus supra trecentos . Vnde supputari
potest magnitudo totius summae præcipuae , ex qua particu-
la ista quotannis regio fisco decerpitur . Profecto non minus
auri ex animalculi viscere , quam è fodinis Indicis humana
cupiditas eruit : dum , effossis altè cuniculis , in naturæ patri-
monium irrumpit , anquisitis opibus prope tartara . Quam-
quam ne auri quidem , argentique fossilis copiam , quam in-
dia suspicimus , desideramus in Calabria . In agro Consentio ,
Tempiano , & Altomontano argento , auroque inter-
micant terra venæ , quasi sanguine ditiore turgescant . sed

tanto labore metallum è terreis glebis excepitur, ut expen-

*Henr. Bac.
chus in descr.
Regni.*

sæ prætiam exæquent; aurum ostentante simul, & subducente natura. Exhibit tamen largissimè partim in agro Consentino, & Altomontano, partim in Murgantino plumbū, ferrum, chalybem: vnde sclopos plumbéis glandulis, milites galeis, ensibus, clypeis, loricis instruit, atque integros obarmat exercitus: intremiscente nunc ad supplicium ea-

Magin. lo. cit.

potissimum terra, quæ bella pœnè omnium gentium reparat. Neque Calabria Alpinis inuidet iugis crystalla: neque Indico mari coralia. Nam in agro Altomontano frigore constrictæ niues in crystallinos grumos concrescunt, cæli gemmascente iniuria; & humore in conuiuarum ad potationem delicias, ac mulierum speculares luxus conuerso. Alitore verò Paryci, usque ad Lametiæ sinum, prope scopulos rubræ adnascuntur arbusculæ: atque, inter canescentes vandas, purpurea maris nemora teneros iaciunt, flexilesque ramusculos. qui ex vndis educti, primo aurè mollissimæ afflatu, pretiosè obdurescunt. Maior alabastri estimatio, quod prope Altomontem, & Ruscianum effoditur. ubi etiam lapis marchesites: ut Erythrei litoris iactet quoque gemmas Calabria. Denique illud planè miraculo, quod cui regioni tellus planè cuncta suppeditat, manna quoque cælum effundit, eiusdem formæ, ac naturæ cum antiquo Angelicis manibus elaborato, ut Conimbrienses contendunt. Nam, &

Barr. lib. 2.

iuxta Altomontem in citeriore Calabria, & in ulteriore ad antiquæ Turrianæ vestigia ros è cælo deciduus sylvestribus prunis exceptus quæ folijs, quæ trunko, noctis frigore constipatur in grana. Quæ postea in prædulcem eliquata humorem, medicamenta suauissima præstant, sorbenda vel pueris: tanta salubritate, ut in ea cælesti munus agnoscas: tanto pretio, ut interdum Neapolii manna Calabriæ vncia septem numis aureis venierit, quasi è cælo imber aureus cedisset. Hanc opulentissimam regionem, terræ, cælique donis insignem, quæ nihil aduentitium mutuabatur à ceteris, multa transmissobat ad exteris, recens calamitas ita vastauit, ut amoenitas in horrorem, frequentia in solitudinem rerum omnium copia in egestatem euaserit. Nouæ molem iacturæ pristina metitur felicitas. Unicus obligur iuit hiatus

*Conimb. in
Met. tr. 7.
c. II.*

quid-

quidquid rot atatū impēdijs. ars, & fortuna cōgesserant. Tāta oppidorū, vrbiumq. celebritas, tāta soli munificētia, tāta collum camporumq. feracitas; tanta fontium, amniumque per innoxios vbiique saltus vbertas; tanta rerum, quę ad humānam vitam conducunt, vel prēstantia, vel copia; tanta denique naturę in ea regione veluti exultatis felicitas vno terē nutantis motu, ac pñē nūtu deiecta. Loca passim inania, ac deserta; quę paulò ante ciues, ac tecta compleuerāt. Itinera sēpe arenarum obsessa montibus, intra fines Italij traducta Lybia. Agris cultores desunt, agri cultoribus; qđes incolis, ædibus incole. Superstitione magna pars aut ē ruina sanguine cruentati, aut metu exangues. Tota fere Calabria adhuc cubatur in campis. Malum indigenę, quod aliquando experiuntur, semper expectant. Timor, qui af-suetudine plerumque exolescit, nunc integratur in dies. Quidquid cladis finis putabatur, gradus est. Malum semper re-cens prēteriti memoriam instaurat, ac noua pernicie nondum obductum vulnus exulcerat. Quantum ex hoc terremotu toti Calabrię damnum obtigerit, ducere coniecturam licet ex incendio Vesuviano: in quo bis centies centum-millium aureorum iactura estimata. Vnius montis flamma tanto pretio stetit. Paucorum oppidorum, cum finitimiis prēdijs, ruina prēcipites traxit tot opes. Non sanè cum his conferenda tot montium, tot litorum, tot pagorum, tot op-pidorum, tot vrbium, Prouinciarum, denique vastitas. Ne-que reparandi spes promptæ. Destinatus eò ad dignoscen-dum Prouinciarum statum à Medinę Duce, Regni Protege Consiliarius Hector Latrus, vir cordatus iuxta, ac pius. Huic partim è fisci, partim è Montis misericordiæ grario, octo circiter numerorum aureorum millia ad reficienda damnā, ac recreandos inopes attributa. Salubri quidem consilio, & Christiana pietate digno. Sed maius est, quām pro subita medicina malum. Festinatum est in damnā, quę non nisi lenta patiuntur remedia. Quod citissimè hora deleuit, vix longi seculorum conatus posteritati restituent. Profectò tan-ta supplicij moles non sine diuina dextera. Conspirat in hoc supputatio temporum. Quippe vndecimo ab hinc anno, ijsdem Quadragesimalis ieunij diebus, eodem vertente pal-marum

marum sabbato, ijsdem pomeridianis horis, ingens in eadem Calabria terræmotus. Tantus temporis articulorum consensus referri non potest ad sydera: quando id palmarum argumento monstrat palmarum recurrens dies, non a natura institutus, sed ab hominum arbitratu, qui subesse nequit astraris: nempe sui iuris, ac suo cetera moderatus imperio. Diuino igitur factum consilio, vt adeo adamussim sibi temporum momenta responderint, congerminata calamitate palmarum sabbato. An, vt tot defunctorum millibus inter Christi Domini parentalia, sanctius parentaretur? An, vt in ipso dominice passionis exordio, Christiana tolerantia probaretur? An, vt quo tempore misericordia inter oleas triumphauit, diuina quoque iustitia triumpharet? palmis, vt Hugo animaduertit, seueritatis indicibus, nempe aculeato fastigio, ac desinente in mucronem. Quidquid fuerit; profecto immissas à Deo ad supplicium ęrumnas, non sola sibi Calabria vendicat. Bellis terræmotus obstrepituros Christi vaticinium pronunciauit. *Surget, inquit, gens contra gentem, & regnum aduersus regnum: & erunt terræmotus magni per loca.* Quid elementa querimur in nostrum exitiū armari, quando ipsi in mutuam cœdem conspirant homines? Motus terræ in Calabria: bellorum motus in altero Italij margine ad radices Alpium, in Gallia, in Belgio, in Hispania, in Germania. Bellum exarsit foederatis hinc, inde militibus toti pœne Europæ gentile. Albent etiamnum insepultis ossibus campi, sylueque vastissime: nec semel humano sanguine decolores Eridanus, Danubiusque fluxere. Hę inter Christianos Principes discordię, Amplissime Cardinalis, Sanctissimi Patrui animum cura torquent: corpus etiam interdum morbo pertentant. Sed profecto ea est humanarum rerum conditio, vt nunquam sine suis sit motibus orbis terrarum: & planè admirabilis est illa felicitas, cui ipsa met ęrumnas fortunat Deus. Enimuerò, si pensiculatius expendatur texura temporum, non defunt Urbani fastis urbanissimi rerum euentus, & admirabilis quædam prosperis aduersa temperans, non tam vicissitudo quam dulcedo fortunæ. Quippe, vt egregie Chrysostomus, *Misericors Deus moestis rebus quædam etiam iucunda permisit.* *Quod certè in San-*

ctis

Hugo Card.
in Psal. 21.

Lxx 21.

Chrysost. bo. 8
in Matth.

Eis omnibus facit: quos neque ærumnas, neque iucunditas
sint habere continuas. Sed tum ex aduersis, tum e pro-
fperis iustorum vitam admirabili varietate contexit. Nu-
merabitur sanè inter Christianæ reipublicæ calamitates,
quod superioribus annis Suecorum Rex Gustauus ab ulteriore
Danubij ripa, ex abditissimis Boreæ latibus, Germa-
niæ, atquæ Italæ perniciem meditatus eruperit. Verum
quidni inter prospera recensendum, quod idem in medio se-
cundioris fortunæ cursu prostritus, atque extinctus ceciderit,
ea planè pugna victus, qua vicerat. Multæ ab hereticis
captæ vrbes, atque ab adhuc spirantibus, execto capite,
Suecorum reliquijs infestata Germania, infortunium profe-
ctò temporum fuit. At Vrbani tribuet felicitati posteritas,
quod plerque vrbes receptæ; quod magna Palatinatus pars
ad auitam religionem traducta; quod Gallia vniuersa, pulso
è centum impietatis arcibus heretico milite, aureis cando-
rem lilijs, aurea sub Ape, reddiderit. Infaustum, quod Italia
toties bello appetita, toties pacata, nouas semper è scintilla
flamas exciuerit. Faustissimum, quod in tanto rerum tur-
bine, armorum immunis Roma, Metaurum Tyberi, Vrbina-
tem ditionem Vrbano, ne vno quidem euaginato ense sub-
iecerit. Deslebitur posteris, quod pestilentia Siciliam, vtrā-
que Galliam, atque Hetruriam afflixerit; tanta clade, ut inter
tot orbitates vrbiū, toti pœne Italæ vastitas timeretur.
At ijdem gratulabuntur Vrbano, quod inter commercia om-
nium gentium prorsus incolmis Roma perstiterit. Felix in
hoc minùs sub magno Gregorio, quam sub Vrbano. nam il-
le iam desuentem in vrbeluem precibus depulit, hic vel
accessu prohibuit. Memoriæ prodent historici, sub Vrbani
tiara semel arsisse Campaniam: cum terrore latius dato,
quam damno, multas Italæ vrbes, ex uno effusa monte, cine-
rea tempestas afflauit. Sed omnis consequentium seculorum
ætas mirabitur, quod in remotissimas regiones è Vesuiano
cinis egestus incendio, vrbis sub Vrbano maiestatem reueri-
tus, Romæ fines non attigit, nè sedaret caput orbis terrarū:
nunc etiam inter tot bellorum, terræque motus planè incō-
cussum. Denique, quod Vrbano Pontifice Thraces Persico
bello impliciti Pannoniam acie, maria classibus infestare
non

non ausi: quod cum Moschis Poloni conditionibus honestissimis, quæ maximè ad religionem conducerent, pacem, fœdusque sanxerint: quod armis vndequaque strepentibus, tanta inter discordes concordia, Ferdinandus alter paternæ, & fortunæ, & pietatis hæres ad imperium adscitus: quod Romæ Adriani moles nouo sit, eoque firmissimo propugnaculo communia: quod armamentarium ad apparandos exercitus magnificentissimè in Vaticano excitatum: quod in Centum Cellis portus extructus, iustæ classi fidissima statio, atque omnium gentium commeatui peruvia; quò accessuti vel prohibent, vel admittunt aquæ, nouo prodigo, catenatæ: quod in Bononiæ finibus arx Urbania erecta, aduersus Barbaros munimentum vrbis eò tutius, quo remotius: quod inter tumultus bellicos pacis curæ non prætermisæ: quod religiosi viri sanctissimis legibus instructi: quod Episcopi in suis sedibus fructuosè detenti: quod Cardinales ad Eminentissimi agnomen euecti: tantum denique clementiæ, tantum comitatis, & modestiæ specimen in tanta peregrinitate imperij, non parua erunt Urbano magnarum laudum compendia. Cæterum imponet supremum felicitaticulmen quies publica: quam Urbanivotis, curisque despondent Dei benignitas pietas Regum, populorum ærumnæ, piorum preces, ipfæmet denique temporum inclinationes, ac vices. Apum profectò erit regnantium, inter aculeata bellis tempora, ore melleam pacem moliri. Hæc occasione noui in vniuersa Calabria, terræmotus, longius quam poscebat epistola, breuius proclade.

L A V S D E O.

IN-